

اسيل طفله حلوه ومحبوبه بسمتها على وجهها دائماً وعمرها ٤ سنوات عايشه بالعراق بالموصل ويه امها وابوها واختها مريم ١٢ سنه اسيل حياتها كلش حلوه اهلها واختها يحبوها وهي تحبهم البسمه مجانت تفارق وجهها وضحكتها مالیه البيت لحد فد يوم الظهر جانوا كاعدين وره الغده ملتمين واسيل دتلعب فطفت الكهرباء كلشي وكف صار هدوء مو طبيعي وميطمن ووره ثواني صار صوت الصياح والخبصه بالشارع كلش واضح وصوت الرمي والطلق وتنكلب الامه الاب (صاح على عائلته ولمهم بمكان بعيد عن شبابيك البيت حتى يحميهم من الطلق) اسيل (جانت خايفه وكامت تبجي) جان يوكع صاروخ يم البيوت وبيتهم اتضرر وبده ينهدم والانقاض وكعت عليهم بس الام والاب ضحوا بروحهم وحموا مريم واسيل مريم (معرفت شتسوي ظلت شابكه اسيل وتبجي هي وياها) اسيل (تحاجي امها وابوها تريدنهم يجاوبوها بس ماكو جواب منهم) وره مده هدئت المنطقه ووكف صوت الرمي والصياح الام (كوه تحجي): مريم مريم (بدموع ومتشوف شي ظلمه): ماما ماما اسيل : ماما ماما ماما اني اخاف من الظلمه شنو صار طلعوننا منا 🙏

🙏 الام (بتعب): مريم انتبهي لاسيل اسيل امانه يمح مريم : ماما الام (بتعب): بعد ماوصيح بنتي ... انتي حريصه حبييتي ... اني وبابا نحبكم اسيل : ماما ماما بابا مريم : ماما ماما 🙏 مرت فتره وهم جوه الانقاض وصارت الدنيه ليل اسيل : اني جوعانه 🙏 اريد ماما مدا اكدر اتنفس مريم : اسيل عفيه حبابه ماعندي اكل هسه ولا نكدر نتحرك عفيه انتظري ماعرف شراح يصير بس اهدئي واتنفس على كيف اسيل : شنو راج نموت هنا شلون راج نطلع 🙏 مريم : والله مادري شوكت او شلون راج نطلع اسيل : اريد ماما 🙏 خل تحاجيني مريم (متعرف تصبر روحها لو تصبر هالطفله اليمها مايبدها شي غير تبجي وياها) مر الوقت وصارت صبح بس هم ميدرون لان ميوصلهم ضوه كوه يتنفسون بس سمعوا صوت واحد يصيح جندي : اكو احد عايش اكو احد هنا جاوبوني حتى نطلعكم مريم (سمعت الصوت وظلت تصيح): ساعدونه ساعدونه الجندي (ياسر) : تعالوا سمعت صوت طفل منا (صاح لباقي الجنود وراح باتجاه الصوت) انت وين مريم : ساعدونه ياسر (اندل مكانهم وراح يشيل بالانقاض واجو ويا جنود هم يساعدوا): عمو ابقني حاجيني حتى اوصلكم مريم : اي احنه هنا طلعوننا عفيه 🙏 اسيل (ظلت تبجي) ياسر : اكو اطفال انتبهوا على كيفكم جندي ٢: شويه شويه شباب ياسر : انتو شكم واحد جوه مريم : احنه اربعه 🙏 ياسر : كلكم عايشين مريم : اني واختي اي بس اهلي مادري 🙏 ياسر : هسه نطلعكم عمو لتخافون وصلنه الجنود طلعاوا الاب والام متوفين حيل متاذين كل الضغط عليهم ومن طلعوهم لكوا مريم وطلعوها واسيل مجلبه بيها متقبل تعوفها مريم مكدت تمشي رجليها متأذيه عدها رضوض واسيل مايبها شي خدوش بسيطه ياسر : تعاي

عمو اختج متاذيه ديردون يعالجوها اسيل (مجلبه برقية مريم وتبجي): ماا اول شي ماما راحت وهسه بقت بس مريم ماعوفها ماخليها تروح ماريد ابقه وحدي 🤖 جندي (اجه يركض وهو يصيح): اخلوا المنطقة بسرعه اجو دوا عش بسرعه اخذوا الجرحى والمصابين طلعوهم الجنود اخذوا كل الناس العايشين الي طلعوهم من جوه الانقاض وصعدوهم بالدبابات واخذوهم بعيد عن هالمنطقة مريم (صعدوها هي واسيل ودزوا ياسر وياهم لان اطفال) اسيل : لعد وماما وبابا 🤖 ياسر : حبييتي هسه اهم شي انتوا مريم : بعد ماكو ماما وبابا 😞 اسيل (ظلت تبجي لحد مانامت) ياسر (عالج رجل مريم والجروح الي عدها هي واسيل) مريم : هسه وين يودونه 😞 ياسر : البصره ابعد منطقه عن الخطر يمكن يودوكم هناك مريم : وشلون راح نعيش ووين ياسر : بالملجى 😞 ويه باقي الاطفال مريم 😞 (مر وقت طويل واسيل نايمه هالك ما تعبت من البجي وحتى مريم نامت وره ٦ ساعات كعدت) اسيل (فتحت عيونها شافت بعدها بنفس المكان والي صار مو مجرد حلم مزعج عبالها جانت دتلم ومن تكعد تروح تركض لحضن امها تحجيلها الي شافته وامها تحضنها وتبوسها وتكللها هي مراح تعوفها بس من شافتها حقيقه دمعت عيونها) ياسر (انتبهلها فشالها وحطها بحضنه ومسح دموعها ظل يلعبها ويحاجيها يحاول يضحكها بس بدون فائده) مريم (كعدت وشافت اسيل يم الجندي دحاول يضحكها بس ماكو فائده): اسيل اسيل (من سمعت مريم كعدت راحتها حضنتها وبجت): مريم بعد ماكو ماما ليش ماما ماتت وبابا ليش هم راح وياها ليش عافونه وحدنه وراحوا بعد منو يسويلنه اكل منو يوديني للملاعب ويشتريلي حاجات 🤖 منو يدير باله عليه بعد محد يهتم بينه لان ماما وبابا عافونه مريم (حضنتها ودموعها بعينها): كافي حبيتي كافي اني يمح مراح اعوفج اني ادير بالي عليج اسيل : هسه وين راح نروح حتى بيتنه تفلش 🤖 مريم : حبييتي راح نروح لمكان بي جهال حلوين ويصير عندج اصدقاء هوايه اسيل : اني جوعانه 🤖 ياسر (طلع من المئونه الي عدهم وانطاهم اكل): اسيل مريم هذا اكل اكلوا لان الطريق طويل اخذوا الاكل منه واكلوا ثينياتهم جانوا جوعانين كلشي مماكين وره شويه جان وكفت بيهم الدبابه ياسر (حاجه الجندي الي يسوق): ليش وكفت الجندي : المنطقة محاصره راح يلزمونه احنه محاصرين منكدر نكمل بالدبابه راح يعرفونه واسلحتنه متكفي حتى نقاومهم ياسر : هسه شلون الجندي (شال سلاحه وغراضه): نكمل مشي ياسر : شتجي وهذني الطفلتين شلون الجندي : يجون ويانه يله بسرعه ليشوفونه ياسر (لزم سلاحه وغراضه): يله اسيل مريم بسرعه نزلوا من الدبابه وابتعدوا عنها جانوا ديمشون بسرعه وياسر شاييل اسيل وره ثلاث ارباع الساعة مريم (وكعت ومكدرت تكوم وتكمل ورجلها كامت حيل تاذيها) ياسر (انتبه مريم ماكو باوع ورا شافها واكعه) اسيل : مريم 🤖 مريم 🤖 ياسر : اششش اسيل اسكتي خالد اخذ اسيل هسه اجي (انطه اسيل لخالد وراح لمريم) ها مريم مريم : ماكدر 😞 ماكدر اتحرك رجلي حيل تاذيني 😞 ياسر (شالها بكل سهوله لان وزنها يادوب ٣٥ وكام راح وره خالد) مشوا فتره لحد ما لكوا سيارات وركبوا تكسي خالد كعد كدام ووره ياسر وبحضنه اسيل ويهه مريم وصلوا للبصره بعد معاناة وطريق طويل فخالد راح لاهله بالبصره وياسر ماعنده مكان غير الفندق لان ابو واخو الجبير جانوا بالجيش وماتوا وامه من القهر انجلطت وماتت هو عاش بالميتم واشتغل لحد ما كبر التحق للجيش هو هم ياسر (هسه شلون هذوله الاطفال وين اوديهم ياربي ساعدني) اسيل : عمو انتو شنو اسمك ياسر : اني اسمي ياسر اسيل : عمو ياسر شكراً لان ساعدته انتو حباب 🤖 ياسر : يا حبييتي تستاهلون والله ممسوي شي ومقصر مريم : عمو هسه راح تودينه للملجى 😞 ياسر : اي اسف لان ماعندي مكان حتى بيت ماعندي اسيل : شنو الملجى ماحبيته اسمه مو حلو 😞 مريم : حبييتي حيصير عندج اصدقاء ماكو شي راح يتغير راح نعيش سويه ويه باقي الاطفال اسيل : يعني بعد منشوف عمو ياسر 🤖 هم راح يعوفنه ياسر (حضنها): لا حبييتي اجيكم واشوفكم كل ما اكدر بس لازم اروح حتى اساعد الاطفال الباقيين شلون ساعدتكم وطلعتكم اسيل (ظلت تبجي ومقبلت بس ياسر مابيده شي كام وداهم للملجى وراح رغم جان يريد يساعدهم بس

YOU ARE READING

مجرد حرب وخلافات سخيـفه انـقـتلـوا هـوايـه اشـخـاص مـالـهـم ذنـب وتيـتمـوا الـاطـفال الـكل يـعـانـي لـازـم نـكـون ايد
وحدـه حـتى نوـكـف بـوجـه الصـعـوبـات هـالـقـصـه مـن وـاقـع عـاشـوا بـي هـوايـه اشـخـاص حـبـيـت اخـتمـها بـنـهايـه
سـعـيـده

Wattpad - 2025 ©

YOU ARE READING

مجرد حرب وخلافات سخيـفه انـقـتلـوا هـوايـه اشـخـاص مـالـهـم ذنـب وتيـتمـوا الـاطـفال الـكل يـعـانـي لـازـم نـكـون ايد
وحدـه حـتى نوـكـف بـوجـه الصـعـوبـات هـالـقـصـه مـن وـاقـع عـاشـوا بـي هـوايـه اشـخـاص حـبـيـت اخـتمـها بـنـهايـه
سـعـيـده

(اما بالنسبه لمريم فحالتها مو احسن من اسيل طبعاً عانت وافتقدتها كل بالها يم اسيل بس متكرر
تسوي شي كل عمرها ١٥ سنه شنو تكدر تسوي كل الي جانت تخططله انو توصل ١٨ وتطلع من الميتم
وتأخذ اختها ويخلصون من هالعيشه مريم خلوها تشتغل وتنظف ومينطوها اكل اذا مأكملت كل الشغل
ينهد حيلها وتتمرض يجون يعاقبوها ويضربوها وكل هذا من ترجع للمكان الي تنام بي تلزم الكتب وتكعد
تقره وتقره وتقره (جانت تدرس خارجي يعني تروح للمدرسه بس علمود تمتحن وترجع) تريد تحصل على
نتيجه تنقذ بيها اختها وروحها من هذا العذاب جانت تدري وعلى يقين انو اسيل مو زينه ومتاذه اكثر من
عدها بس نرجع ونكول شتسوي مو بيدها) {مرت هالثلاث سنوات على الخوات مثل الدهر واكثر} مريم
(كدرت توصل للجامعه دخلت هندسه طبعاً هي بهاي الثلاث سنوات جانت تنهزم من الميتم وتدور على
شغل وتشتغل رغم من ترجع يعاقبوها بس استمرت جانت مرات تنظف بيوت مرات تخطط حسب الي تلكا من
شغل وتضم الفلوس وطبعاً تعبها مراح على الخالي كدرت تطلع من الميتم وتشتري شقه صغيره غرفه
ومطبخ وصاله وحمام بمنطقه كلش فقيره ببنايه قديمه بس اهم شي مكان يؤويها هسه بقت عدها
خطوه وحده انو تلكه اختها ظلت كل يوم تروح لميتم تفتّر وتدور عليها لحد ما وره اسبوعين دخلت لميتم
وراحت للمديره) مريم : ألسلام عليكم شلونج ست المديره : وعليكم السلام الحمد لله شلون اكر اساعدج
عيني مريم : والله ست اني جاي ادور على اختي احنه اهلنه متوفين وبعدين بالميتم فرقونه وهسه كبرت
واجبت داريد اخذها ارجعها يمي صار اكثر من ميتم ارواح بلكي الكاها هنا المديره : ماشي ان شاء الله
نلكاها شنو اسمها مريم : اسمها اسيل عمرها هسه المفروض ١٠ سنوات شعرها ذهبي وهي بيضه
عيونها رماديه بشوشه ودائماً تضحك بس اعتقد الي صار اثر عليها (حجت وهي تتذكر شكلها ودموعها
تجمعت بعينها) المديره : حبيبي عدنه هوايه بنات اسمهم اسيل هسه اجمعهم الج وشوفوها (صاحت
لوحده من المربيات واكلتها تجمع البنات) مريم (طلعت ويه المديره وهي تباع على البنات صار سبوعين
شافت اكثر من ١٠ بنيه اسمها اسيل بس ولا وحده منهم جانت هي بس هالمره وكعت عينها على وحده
جانت واكفه بعيد عن البنات شعرها جان ذهبي اي بس مخصص كلش قصير ولادي ووجهها شاحب
وعيونها جواها اسود وكلش ضعيفه ومبين مريضه هم بس مريم جذبتها عيونها نفس العيون راحتها
ونزلت لمستواها باوكت بعينونها) مريم (باستغراب): اسيل؟! اسيل (باوكتها ومعرفتھا ابتعدت عنها
ومحبت شي) مريم : اسيل اني مريم اختج 😊 نسييتني هاي شصاير بيح منو هيح سوالج ليش هيح وين
شعرج الحلو وين البسمه الحلوه الي بوجهج ليش هيح صايره اسيل (عرفتها وظلت تبجي بس محبت ولا
شي) مريم (حضنتها): حبيبي يا عمري حاجيني حياتي اسيل (ظلت تشهق وهي تبجي بس مكدرت تحجي)
مريم (ابتعدت عنها وباوكتها): حاجيني اسيل اسيل (دموعها بعينونها ووجهها صار احمر هزت راسها بمعنى

(لا) مريم (باوحت للمديره والمربيات وصاحت بعصبيه): شبيها اختي ليش متحجي ليش هيح صاير بيها شعرها منو كصه ليش هيح ضعيفه ومريضه شنو عبالكم مالها احد المديره (باوحت للمربيات لان مجانت تدري بتصرفاتهم وصاحت): البنيه شبيها احجوا (اخذوها للاداره وكلولها الي صار واعترفوا بالي سوو بيها وشلون جانوا يعاقبوها ويادوها واخر مره كصوا شعرها لان جان حلو وطويل فحبوا يادوها بي والمربيه اعترفت انو جانت تاخذ الفلوس الي يدزوها الها واعتذرت وتريد ترجع الفلوس مريم : مع الاسف عليكم طفله يتيمه صغيره معرفتوا تكسبوها هيح تعاملوها يعني ليش هي شنو ذنبها والله ماعرف شكوللكم والله ماعرف لشوكت هيح يظل يصير بالعراق هاي تاليها الله اكبر عليكم (باوحت للمديره) اريد اخذها مستحيل اعوفها ولا ثانيه بعد هنا المديره (سوت الاستماره وانطتها لمريم وقعت على انو هي المسؤوله عن اسيل) مريم (اخذت الاوراق وطلعت من المكتب وراحت لاسيل لزمت وجهها بين ايديها وباستها على راسها): حبيتي يله امشي نروح منا عندج غراض ترددين تجيبينها اسيل (هزت راسها لا) مريم : اوك لعد امشي نروح علمود اشتريلج ملابس جديده واغراض الج ماشي اسيل (هزت راسها اي وحضنت مريم) مريم (اخذت اسيل وراحت اشتريتلها غراض وملابس يعني اشياء بسيطه بالي بقه من فلوسها الي اشترت بيهن الشقه نوب اخذتها ورجعوا للشقه دخلوا وشوفتها المكان): وباعي هاي الغرفه هنا راح ننام وهناك شوفتج المطبخ والحمام والاستقبال حبيتي ادري صغير كلش بس شنسوي هذا الي اكدله اسيل (حضنتها) مريم (طبطبت على ظهرها): يا عمري ياصف هسه وصلي صف رابع مو اسيل (هزت راسها لا) مريم : لعد 😞 اسيل 😞 مريم : شنو ممدخليج مدرسه اسيل (هزت راسها اي) مريم : الله لا يوفقهم ليش هيح سوو زين حبيتي عفيه احجي حاجتي ليش بس تاشرين احجي مشتاقه لصوتج اسيل (بين عليها متاذيه وهزت راسها لا 😞) مريم : ليش ياعمري زين اوك ترددين اسجلج السنه بالمدرسه علمود تداومين من تخلص العطله اسيل (هزت راسها اي) مريم : ماشي حياتي يله اذا تعبانه بدلي حتى تنامين اسيل (لبست هدوم بيت) مريم : حبيتي جوعانه اسيل (هزت راسها اي) مريم : ماشي راح اسويلج اكل تحبي يله ارتاحي من اكمل اصيحه مريم (راحت سوت اكل من كملت لكت اسيل كاعده بالاستقبال دتباوع للتلفزيون وملامحها جامده رغم فقره الي طالعه مضحكه) مريم : يله اسيل سويت الاكل (جابت الاكل وحطته كدامها) اسيل (ظلت تباوعلها خافت تاكل) مريم : اكلي حبيتي محد ياذيج اني يمج اكلي كله اريد تخلصي اسيل (بدت تاكل على كيف وشويه شويه لحد ما اكلت طبيعي) (اكلوا سويه نوب مريم فرشت فراش يم فراشها لاسيل اشترته من اول ما اجت وظمته الها فهسه طلعت اجت اسيل ونامت يمها مريم ظلت كاعده تباوع على اسيل) اسيل (تقربت على مريم واخذت ايدها وحطتها على راسها) مريم (افتهمت ابتسمت ومسحت على راسها تذكرت شلون جان شعرها طويل وحلو شلون جانت تلعب بخصلاته كل يوم قبل لاتنومها 😞 تمننت لو مطلعتها من ذاك المكان قبل وقت جان هوايه اشياء صارت احسن لو مقاومتهم شويه وباقيه يمها بس تبقى لو) (مرت فتره مريم اهتمت باسيل وصارت احسن شويه بس بعدها متحجي ويه احد ولا تتقرب لاي احد بس يم مريم ومريم جانت تفكر شتسوي لاختها شلون تساعد مريم كل يوم تروح للشغل وتعوف اسيل بالبيت قللت من شغلها علمود ترجع بسرعه او تروح ساعتين وترجع ساعه يمها نوب ترجع للشغل تكمل وهيح بس بفد يوم العصر جانو كاعدين واندك الباب) اسيل (خافت وشبكت مريم) مريم (محد اجالها من قبل ولا دك الباب عليها ابد هاي اول مره اشترت لاسيل انو تظل هادئه وراحت للباب واسيل مجلبه بظهرها باوحت من الفتحه مال الباب شافت رجال ميين عمره فوك الـ٤٥ حست روحها شايفته): منوو ياسر : اني الجندي ياسر مريم موجوده مريم : عمو ياسر 😞 اسيل 😞 ياسر : اي اني مريم (فتحت الباب ودخلته للاستقبال) ياسر : شلونكم مريم : على الله ياسر : شلون اشتريتي هاي الشقه مريم : اشتغلت ٣ سنين ولميت فلوس رغم جانت صعبه عليه بس الله ساعدني ياسر : عفيه يابنتي والله قويه كدرتي تلكين اختج وترجعيتها يمج اسف لان مكدت اجي

طول هالفتره جنت اذ فلوس للميتم عبالى يوصلن الكم بس قبل سبوع من حجتلى المديره الي صار كلت لازم اجي وهي دلتني على المكان مريم : حتى لو ميهم شكراً لان فكرت بينه شكراً لان ساعدته لو ما انت جان هسه احنه ماكو ياسر : لا عمو صدك تحجين ماكو داعي تشكريني (طلع ظرف وحطه على الميز) هذا انطتيا المديره مريم : شنو هذا ياسر : كالت هاي الفلوس الي جنت اذهن الكم والمرييه تعتذر واسفه على الي صار مريم : اسفهم مراح يغير شي بس مراح اخذ هذا الظرف ياسر : بس هو الكم مريم : لا عمو ميصير هاي فلوسك ياسر : بنتي اني عمري خلص ومنو يدري شكدر راح اعيش مو زين بعدني لي هسه اعيش مريم : لاعمو لتحجي هيج الله يطول بعمرى ياسر : تسلمين بنتي اسيل شلونج عمو شلون صرتي اسيل (محبت شي حطت راسها على كتف مريم) مريم : حبييتي اذا تعبانه روجي نامي اسيل (هزت راسها وراحت) ياسر : ماكو امل ترجع تحجي؟ مريم : والله ماعرف شسوي 😞 ماعرف شلون اساعدها ياسر : اني اعرف دكتور مريم : بس عمو الدكتور ياخذ هوايه فلوس 😞 واني ماكدر يادوب الفلوس دتكفي مصرف حتى مجاي ارواح للشغل علمود ابقه يمها هسه وره كم يوم نوب يجيني دوام وماعرف شسوي وين راح اعوفها ياسر : لا هذا ابن صديقي لتخلين باله علمود الفلوس سهله اذا تردين باجر نوديه الصبح مريم : بس ا.. ياسر : ماكو بس تردين باجر نوديه لو مشغوله مريم : الي تشوفه عمو ياسر (وقف): خوش لعد يله اني ارواح بعد محتاجين شي مريم : تسلم عمو سلامتك ياسر : بنتي اذا احتاجيتي شي هذا رقمي واني باجر اجي الصبح علمود اخذكم للطبيب مريم : ماشي (راح ياسر ومريم راحت يم اسيل شافتها نايمه خلتها وراحت تحضر العشه علمود تكعدها تاكل ثاني يوم اجه عليهم ياسر جانو متحضرين وراحوا ويا للدكتور ومن وصلوا) اسيل (وكفت قبل لاتفوت ولزمت مريم) مريم (وكفت باوعتلها): ها حبييتي اسيل 😞 مريم : لتخافين حياتي هذا الدكتور راح يساعده علمود تصيرين احسن علمود ترجعين تحجين ماشي 😊 اسيل 😊 (دخلوا للدكتور وسلموا عليه) حسن (الدكتور): السلام عليكم تفضلوا شلونك عمو ياسر : الحمد لله ابني هاي اسيل الي حبيتلك عليها واختها مريم حسن : هلو اسيل شلونج حبييتي اسيل 😊 ياسر : اسيل عمو تعاى خل نطلع شويه حتى يحجي عمو الدكتور ويه مريم اسيل (باوعتله ووجها جامد واشترت لا) ياسر : زين نطلع نفتر اسيل (نفس ماهيه واشترت لا) مريم : حبييتي بس شويه واني اجيلج اسيل (ظلت شويه تباوعلها نوب طلعت ويه ياسر وهي ساخته) حسن (باوع لمريم): مريم انتي اخت اسيل صح مريم : اي دكتور حسن : الظاهر انو اسيل فقدت قدرتها على الكلام بسبب شي صارلها اثر بنفسيتها حيل لازم نحدد هالشى حتى نعرف نتعامل وبها اذا تعرفين شنو صار تكدرين تحجلي حتى اعرف شنو اسوي مريم : اي طبعاً هو بده كلشي من انهدم بيتنه وتوفوا اهلي وهم يحمونه بقينه جوه الانقاض بالظلام هي من ساعتها كامت تبجي بعدين اجه عمو الله يخلي وطلعوناه جابونه لهنا وبالميتم جنت اني منتبهتلها بس وره فتره بعدوني عنها 😞 وبقت وحدها فهي استمرت تبجي ومتسمع كلام احد فكاموا يعاقبوها ويحبسوها بالقبو ومرات يضربوها وحتى شعرها كصوا (وحجته كل الي كالتة الها المربيات والمديره) حسن (انقهر من سمع الي كالتة مريم وعيونها مدمعه وهي تحجي انطاها كوينس وطبطب على ظهرها): الله ديختبر صبركم يمهل ولا يمهل مريم : واحنه صابرين 😞 ونعم بالله حسن : من الي سمعته اسيل يترادلها عنايه خاصه وتغذيه واكل منتظم وترفيه ولازم متبقة وحدها ونحاول نفرحها ونطلعها من جو الكئاب ولازم يكون يمها ناس علمود تحاورهم لان من انعزلت وكامت متشوف احد نست طريقة الحوار نست شي اسمه كلام فاستغنت عنه بالسكوت راح اهتم بهالشى وان شاء الله ترجع مثل قبل واحسن مريم : زين اني شنو اكدر اسوي

علقوا وحطوا نجمه علمود اكمل

YOU ARE READING

مجرد حرب وخلافات سخيغه انقتلوا هوايه اشخاص مالهم ذنب وتيتيموا الاطفال الكل يعاني لازم نكون ايد وحده حتى نوكف بوجه الصعوبات هالقصة من واقع عاشوا بي هوايه اشخاص حبيت اختمها بنهايه

سعيدة

Wattpad - 2025 ©

YOU ARE READING

مجرد حرب وخلافات سخيغه انقتلوا هوايه اشخاص مالهم ذنب وتيتيموا الاطفال الكل يعاني لازم نكون ايد وحده حتى نوكف بوجه الصعوبات هالقصة من واقع عاشوا بي هوايه اشخاص حبيت اختمها بنهايه

سعيدة

حسن : انتي النقطة الاساس بدونج مراح تكدر تسوي شي هسه هي تعتبرج انتي الدعم الوحيد الها انتي تعرفين الي يفرحها واني اعرف شلون اتعامل وياها فلانم نخلي بالنه يمها شويه علمود تصير زينه مريم : ماشي حسن : هسه راح اصيحلها علمود احاول اكسبها علمود تتقبل وجودي نبده وياها شويه شويه مريم : اوك الي تشوفه دكتور حسن (طلع من المكتب جاب ويا اسيل واجه) اسيل (عافته وراحت يم مريم) مريم : لعد وين عمو ياسر حسن : من رحته خابروا عليه لازم يرجع للمنطقه مريم : الله يوفقه ويحمي حسن : ان شاء الله هسه اسيل شنو رايح نصير اصدقاء اسيل (جلبت بايد مريم وظلت تباوعله) حسن : زين شنو رايح نروح لمكان تحبي اسيل (هزت راسها لا وظمت وجهها بحضن مريم) حسن : ا... (راد يحبي بس من سمع صوتها تبجي سكت) مريم (رفعت راس اسيل وباوعتلها): ليش حبييتي ليش تبجين شنو ترددين اسيل (ظلت تبجي وشبكت مريم) مريم : شكو شنو نرجع للبيت اسيل (هزت راسها اي والدموع بعينها) مريم : اوك حبييتي بس لتبجين يله امشي نروح (وكفوا) مريم : اسفه دكتور حسن : لا على شنو تتاسفين عادي دائماً تصادفي هوايه حالات مريم : راح نروح وان شاء الله نرجع غير مره حسن : لحظه وين خل اوصلكم (راح نزع الصدرية البيضاء وجاب السويج من المكتب) مريم : لا ماريد اتعب... حسن (قاطعها): صدك جذب تعبكُم راحه وثانياً عمو ياسر وصاني عليكم شلون اعوفكم ترجعون وحدكم مريم : تسلم حسن (طلعوا من المكتب وقفل الباب وصعدهم بسيارته وجانوا رايحين للبيت ومريم ادلي على الطريق من باوع لاسيل شافها تباوع على الحقائق الي يمرون من يمها جان اكو اطفال ويه اهلهم ويلعبون ومتونسين فأجت بباله فكره كمل الطريق لحد ما وصلوا انطاها رقمه وكلها تحاجي علمود اسيل وراح) مريم (من وصلوا للبيت سوت اكل لاسيل اكلت ونامت كعدت تباوعلها تذكرت شلون اهلها جابوها الها اول يوم من شافتها بعدها عمرها يوم وشلون كبرت وهي جانت وياها بكل اللحظات وذكرياتهم السعيدة من جانوا ويه اهلهم وشلون جانت اسيل الضحكه على وجهها ٢٤ ساعه وشلون هسه وجهها ذبلان وجوه عينها اسود مسحت دموعها وطلعت من الغرفه شافت التلفون تذكرت الدكتور فخابرت على الرقم) حسن : الو مريم : الو ألسلام عليكم شلونك دكتور اني مريم حسن : هلو مريم الحمد لله اسيل شلون صارت مريم : هستوها نامت حسن : اوك تحضروا باجر لان حضرت مفاجئه لاسيل بلكي تفيد مريم : ماشي بس شنو هي حسن : باجر تعرفون مريم : ماشي شكراً حسن : اذا صار شي لاتترددين واتصلي عليه مريم (شكرته ومر اليوم بسرعه وثاني يوم اتصل حسن عليها كلها راح يجيلهم فتحضروا ومن اجه طلوعله) حسن : هلو اسيل اسيل (عبست وجهها ولزمت ايد مريم) حسن : هلو مريم يله نروح مريم :هلو يله اسيل اسيل (صعدت بالسياره وجانت كاعده دتباوع من الجامه لحد ما حسست السياره وكفت بالكراج نزلت وياهم شافت همه بالحديقه فتحت عيونها وهي تباوع)

حسن (نزل من السيارة وطلع من الصندوق الاكل الي اشترا وفراش): ها اسيل حلو اسيل (باوكت لحسن وابتسمت وهزت راسها اي) (راحوا فرشوا الفراش بمكان جوه شجره وكعدوا شويه اسيل جانت دتباوع على الاطفال شلون ديلعبون ويه اهلهم) حسن (جاب الطوبه واجه): اسيل يله تعالي نلعب اسيل (باوكت لمريم قبل لتقوم تشوفها تقبل لو لا) حسن (اجالهم وجر مريم من ايدها وكفها): يله حتى مريم تعالوا مريم : اللعب انت واسيل اني ماعرف حسن (اخذهم ويا): هي طوبه بس اضربها شنو متعرفين (ظلوا يلعبون وهم فرحانين شويه وكعدت مريم بقوا اسيل وحسن يلعبون جانت دتباوع لاسيل شلون فرحانه وتبتسم اول مره شافتها هيچ من الي صار لحد الان ظلت تباوعلهم وهي تبتسم بعدين اجو جهال ظلوا يلعبون ويه اسيل فرجع حسن كعد وهو تعبان) حسن (شرب مي وباوع لمريم جانت تباوع لاسيل وتبتسم فهو هم ابتسم بس شاف بعيونها غير شي غير الابتسامه الي دتطلعها كدام اختها اكو حزن كلش جبير داخلها بس مجاي تبينه لاحد تريد تبين قويه كدام الكل) مريم (حست احد ديباوعلها باوكتله لحسن) حسن (دار وجهه عود ديباوع لاسيل) اسيل (اجتلهم تركض وبيدها الطوبه ذبتها وشربت مي) حسن : اسيل على كيف المي بارد وانت دتركضين اسيل (باوكت لحسن وضحكت) حسن (باوعلها وهو متعجب): شنو 😊 اسيل (هزت راسها ماكو شي) مريم : ها اسيل تونستي اسيل (هزت راسها اي نوب اشرت على بطنها يعني جوعانه) حسن : يله لعد خل ناكل جبت اكل قبل لا اجيكم (طلع الاكل وعصير وفواكه وحلويات وهوايه اشياء وكعدوا ياكلون سويه وهم فرحانين بعدين لعبوا سويه وتمشوا نوب رجعهم للبيت) حسن (نزل من السيارة ووكف) مريم (وكفت كدامه هي واسيل لازمه ايدها): شكراً دكتور ماعرف شلون اشكرك واللّه اول مره اشوف اسيل هيچ تبتسم وتلعب وره الي صار حتى اني هم فرحت من شفتها هيچ شكراً حسن : لا عادي شنو هالحجي وبعدين شنو دكتور بدون رسميات بعد احنه صرته اصدقاء (نزل لمستوى اسيل) مو صح اسيل اسيل (ابتسمت وهزت راسها اي) حسن (باس خدها): يله صيري حبابه وسمعي كلام مريم وعلمود نوديج للمدرسه من بيدي الدوام ويصير عند اصدقاء ماشي اسيل (هزت راسها اي 😊) حسن (وكف باوع لمريم): اي شي يصير رقمي يمح مو تنسين مريم : ماشي حسن : مع السلامه (باوعلهم لحد مدخلوا ظل شويه صافن يفكر نوب معد سيارته وراح للمكتب مالتة من دخل وكعد على مكتبه استقبله الدكتور الويا) زيد : حسن هاي وين عاش من شافك شو ماكو اليوم صاير تطلع هوايه صار هوايه مجاي ويانه حسن حسن لك يا حسن داحاجيك (ظل يحرك ايده كدام وجهه) حسن (وخر ايده): ها شببك زيد : شببك صافن بيمن تفكر شكو وين جنت ويامن شتسوي حسن (حط ايده على راسه): لك حتى لو عندي مره متسال هالك لك انت شكك تسال زيد (كعد على كرسي كدامه): لك احجي انت من شوكت تضم عني بشنو تفكر حسن : دافكر باسيل زيد : اسيل منو شنو بس لاتحبها لك وين شفتها اني ليش مادري ا.... حسن (شال الكتاب اليه وضرب بي زيد): لك على كيفك اسيل عمرها ١٠ سنوات مريضه عندي زيد : اها اي وليش تفكر بيها حسن : مادري اريد اساعدهم بأي شكل من الاشكال اففف زين اني ليش رجعتهم ليش مرجنه لغير مكان زيد : ستوها اسيل شو هسه صاروا جمع حسن : لك ذبحتي تعال احجيك قصة اسيل بلكي شويه تشغل عقلك ويابه (حجاله قصة مريم واسيل وشنو صار بيهوم) زيد : حرامات خطيه هالطفله شنو ذنبها حسن : مو بس هي اختها دتعاني اكثر منها مريم دتعاني مرتين مره لنفسها ومره لاختها بس دتحاول تبين نفسها قويه قدر الامكان كدام اختها زيد : زين ليش مهتم بيهوم هالك هوايه اجتك هيچ حالات ودفعو فلوس بس مهتميت بيهوم لهل درجه وهسه صديق ابوك يجيلكيهاهم وعادي استقبلتهم بدون ولا فلس وتطلعهم وتصرف عليهم حسن : ماعرف ماعرف مادري شبيه مادري شداسوي ليش هيچ بس داحس انو لازم اسوي هيچ هاي حاله انسانيه خطيه ماعدهم احد ممكن لان همه مثلي بس هم حالتهم اصعب بنات وحدهم شلون ماساعدهم زيد (كام واخذ اوراقه): يمعود حالتك حاله انت ينزادلك علاج ~~~~~ مريم مريم (طردوها من الشغل لان جانت تطلع

من وكت علمود اسيل وهسه صفت هيچ بدون دوام وبدون راتب جانت كاعده محتاره دتفكر لشوكت راج
تبقى على هالحاله وشلون راج تكدر تهتم باسيل وبحالتها وبالجامعه مالتها وشلون راج تشتغل ويه كل
هذني مبقه عدها بس كم فلس والفلوس مال ياسر وياهن بلخي يعبروهم مده) مر اسبوعين وحسن كل
يوم او بين يوم ويوم يجلهم يطلعهم ويونسهم واسيل تعودت عليه كامت تحبه مريم جانت دتחס انو
دتشكل على حسن حس انو همه حمل زايد عليه ديعوف شغله وبيته ويجيلهم يخلص وقته وياهم فمجان
تعرف شلون تتعامل ويه هالموضوع مر شهر ونص وبعدهم على هالحاله مريم متعرف شتسوي نوب
اسيل تعلقت بحسن وكلساع تاخذ التلفون وتروح لمريم علمود تاخبرله يجيلهم هي تنحرج منه فمرات تاخبر
ومرات تقنعها انو لا ميصير ياخبرون عليه لان مشغول فبده دوام اسيل راحوا مريم وحسن سجلوها وشرح
حسن حالتها للمديره وعادي تقبلوها مثل اي طفله ومريم اشترت هوايه غراض لاسيل محبت تحسها انو
هي اقل من باقي البنات لان ماعدها ام واب معناها متكدر يصير عدها غراض مثل الي عدهم فمقصرت
وياها وجابتها كلشي تريد بس هنا جانت المشكله بقه مبلغ كلش قليل ويه مريم ظلت تدور على شغل
حيل تضايقت مايين شغلها ودوامها ودوام اسيل واحتياجاتهم حيل تاخذت حس روجها متكدر تسوي اي
شي ومكنت شغل كامت تروح وترجع للجامعه مشي وتوصل اسيل وياها همزين الجامعه مو بعيدة والا
جان تبهذلت حيل مرت اول ايام اسيل زينه بالمدرسه وعادي ومريم هم صار عدها صديقات شويه بس
تسولف وياهم عادي بس البقيه حاطين عينهم عليها سواء يكرهوها او يغارون منها جانوا يشوفوها
تبتسم كدامهم فعبالهم مريم عايشه حياة حلوه احسن منهم كبنيه بسيطه ومحترمه وعلى كد حالها محد
جان يدري شنو موجود وره هالابتنسامه الي تطلعها محد شاف الحزن والهم الي بعيونها هي بسيطه حالها
حال اي بنيه بس الحمل الي شايسته جبير وتحملت هوايه يمكن غيرها حتى ولد ميتحملون هالشي بس هي
تحملت وبقت صامده علمود اختها اخر شي لكت شغله كل يوم تروح لمحل خياطه تاخذ هدموم علمود
تصلحون "اذا مفتوك او واكعه دكمه والخ." كل يوم وره الجامعه تروح تجيب هدموم وترجع للبيت وره متنام
اسيل تكعد تشتغل بيهن تظل طول الليل كاعده تسوي بالهدوم صح الفلوس الي ينطوها شويه
والشغله متعبه وتاخي عيونها بس ماعدها غير حل شويه تقره وشويه تسوي بالهدوم تظل لتالي الليل لو
تنام بالـ ٤:٠٠ص لو تظل كاعده اذا عدها شغل هوايه او دراسه (وره مده العصر جانوا مريم واسيل بالبيت
مريم جايه مسواك دتشتغل بالمطبخ واسيل بالغرفه تقره اندك الباب راحت مريم فتحت الباب واسيل
واكفه وراها لكت بنيه تقريباً بكد اسيل) مريم : هلو انت منو سما : اني سما صديقة اسيل مريم (شافت
اسيل تباوعها مدري شلون): شلون اجيتي سما : هاي شقتنه يمكم اجيت لعب ويه اسيل مريم : اوك يله
فوتي وياها سما (دخلت وراحت وره اسيل للغرفه) مريم (باوعتلهم شافتهم كعدوا وديلعبون عافتهم
ورجعت للمطبخ دتكمل شغلها وره خمس دقايق باوعت عليهم ديلعبون ورجعت وره شويه سمعت اسيل
تصيح خافت وراحتلها شافت باب الشقه مفتوح سدته وراحت ركض لاسيل شافتها تصيح وتشمر وتكسر
بالغراض وتشكك بالكتب راحتلها حاولت تلزمها او توكفها بس مكدرت ظلت اسيل تضربها لحد ما ضربتها يم
عينها وانجرت فابتعدت مريم عنها وتجمعت الدموع بعينها لان معرفت شتسوي اول شي خطر ببالها
لزمت التلفون واتصلت على حسن)

Wattpad - 2025 ©

YOU ARE READING

مجرد حرب وخلافات سخيغه انقتلوا هوايه اشخاص مالهم ذنب وتيتموا الاطفال الكل يعاني لازم نكون ايد
وحده حتى نوکف بوجه الصعوبات هالقصة من واقع عاشوا بي هوايه اشخاص حبيت اختمها بنهايه

٢٠١٨/٩/٢٤ الكتابه حسن : الو مريم (سمع صوت صياح وتكسیر) مريم (معرفت ليش اول مسمعت صوته نزلت دموعها وحجت بصوت مهروز): الوو حسن ... تعال غفيه ماعرف شسوي ... ماعرف شصار شسويلها اهئ اهئ اهئ حسن (راح ركض لسيارته): مريم بس فهميني شصار لتبجين شببها اسيل مريم : ماعرف ماعرف جانت يمها صديقتها نوب كامت تصيح وتكسر بالغراض وملكيت البنيه حسن (ركب وحرك السيارة): بس لتخليها تاذي نفسها ثواني واوصل مريم : ماشي حسن (وصل وره خمس دقائق ونزل ويا عليه الاسعافات الي عنده بالسياره صعد للشقه دك الباب كبل فتحت مريم): وينها شصار مريم : بالغرفه نفس ما هيه حسن (دخل للغرفه شافها تصيح بحاله هستيريه وتضرب كلشي كدامها عاف العلبه من ايده وراح حاجاها على كيف حاول يهدئها مفاد لزمها من ايديها وصاح عليها): اسيل كافي بس صار ساعه تصيحين متعبتي خلص (حاول يسكتها بس ماكو اخر شي طلع ابره مهدي من الجنطه وثبتها وظرها بايدها) اسيل (وره الابره بثواني بدت تهدي شويه شويه لحد مانامت ودموع على خدها) مريم (حطتها على الفراش وغطتها ومسحت دموعها نوب طلوعوا من الغرفه كعدوا بالاستقبال): شلون وlish هيج سوت هي مسوت هيج من قبل حسن : انفعلت زياده عن اللزوم لازم اكو شي حيل اذاها مريم (حطت ايديها على وجهها وبجت جانت متريد تبين هالشي كدام احد بس غصب عنها مكدرت تلزم روحها اكثر) حسن (حضاها وطبطب على ظهرها): مريم ابجي علمود تترتاحين طلعي كل الي بداخل كل حزنك الضميتي كافي بعد تحملي هوايه وحدج اعرف معاناتك انت هم متاذه واكثر من اسيل همين الي مريتي بي هوايه اشياء غيرج ميتحملوها مريم (وهي تبجي): بس بس اني لازم ... اكون قويه اهئ اهئ علمود اكدر اساعد اسيل حسن (حضاها اكثر): اعرف كلش زين اعرف انتي شكك قويه وشكك تحملي بس كافي لتمثلين هالقوه كدامي لان مجرد اباع لعيونك اشوف كل الحزن والتعب الي بيح مريم (بده صوت بجيها يعلى): مـماريد اكون ضعيفه لـلازم اتحمل حسن (مسح بايدته على راسها): انت مو ضعيفه البجي ميعني انو شخص ضعيف مدام اني موجود يمح ابجي شكك متردين مريم (ظلت تبجي وظل هو حاضنها يطبطب على ظهرها) حسن (مر شويه وقت وهدئت وانتظمت انفاسها فعرف انو نامت خلاها تنام على القنفه وكعد هو كدامها يباوعلها شاف جرح يم عينها نوب حط ايديه على وجهه وهو يفكر شلون قلبه كام يدك من الخوف من سمع صوتها تبجي بالتلفون معرف شلون بلحظتها طفر للسياره يريد يجيهم مر الوقت وحسن كاعد بنفس المكان متحرك وهو منتظر اسيل او مريم وحده منهم تكعد لحد وره ساعتين سمع صوت بالغرفه فراح فتح الباب شاف اسيل كعدت واجت دتريد تطلع من الغرفه) اسيل (اول مشافت حسن ركضت عليه وشبكته وكامت تبجي) حسن (حضاها ومسح على راسها): ها حبيتي شنو صار ليش هيج سويتي منو مأذيج اسيل (ابتعدت عنه ومسحت دموعها وحاولت تسكت نفسها شويه واشرت بايدتها نفس ما تعلمت بلغة الاشاره حجت): البنيه الي جانت يمي حسن : شببها اسيل (بلغة الاشاره وهي تشهق من البجي): كالت اهلي ميجبوني وعافوني من اني وصغيره لان يكرهوني ولان اني مزعجه هسه حتى اختي وانت راح تتركوني وابقه وحدي من جديد

ويرجعون يعاقبوني بالميتم حسن : وانتي ليش صدكتي حبيها يعني نسييتي شلون جانوا اهلج يبحوج
ويطلعوج ويداروج وثانياً اختج تموت عليج ومستحيل تعوفج وحدج اسيل (بالاشاره): وانتة حسن (حضنها):
واني هم مستحيل اعوفكم انتوا مرتوا جزء من حياتي (بعدها وباوع بعيونها) معليج بكل الحجي الي يبحوا
اهم شي الي انت تحسي معليج بكلام اي احد اريدج توعديني متهتمين لكلام احد وتصيرين حبابه وشطوره
وتقرين زين اسيل (بالاشاره): خوش اوعدك بس وين مريم حسن : مريم نايمه هناك اسيل (راحت لمريم
وباستها بمكان الجرح الي جرحتها بي) مريم (حست على اسيل وكعدت من شافتها يمها حضنتها وباستها
ودموعها بعينها): حبييتي بعد لتسوين هيچ والله خوفتيني عليج اسيل (بالاشاره): اني اسفه سامحيتي لان
اذيتج مريم : حبييتي مابيه شي مادام انت زينه حسن (جاب جنطة الاسعافات وكعد يم مريم): باوعيلي خل
اعقمه ليلتهب خفت اسوي واكعدج من جنتي نايمه مريم (حطت ايدها على الجرح): لامبي شي اصلاً ماحس
بي شويه ويروح اسيل (راحت يم التلفزيون) حسن (طلع ادواته من الجنطه وسحب ايد مريم وجرها قربها
عليه): لتعاندين تعالي اسوي مريم (ظلت ساكته جامده متحركت من مكانها بس طخت ايده وجهها تجمدت
صار وجهها احمر) حسن (انتبهلها وابتسم كمل وحطلها بلاستر): يله خلص مريم : شكراً واني اسفه على الي
صار بس معرفت شسوي ملكيت كدامي غير اتصل عليك حسن : توتوتو لا تعتذرين اني مو كتلج اي شي
يصير تخابريني كبل ليش هيچ مره ثانيه اول شي تسوي تتصلين عليه واني اتصرف مريم : ماشي اسفه
حسن : اني مو كلت لتعتذرين مريم : لعد شلون حسن : هاي ليش هيچ ضعفانه وجوه عيونج اسود شنو
متنامين مريم : لالا شلون مانام يعني تعرف بعد دراسه وجامعه حسن : مريم اذا احتاجيتوا اي شي كويلي
لتستحين مني شلون جاي تجيبين مصرف منين مريم : مو كتلك اشتغلت وعندي فلوس 😊 تسلم متقصر
حسن : متأكده 🙄 مريم : يي طبعاً اا..اتريد تاكل او تشرب فدشي (وكفت رادت تمشي بس غوشت عيونها
كامت متشوف شي رادت توكلج بس حسن لزمها) حسن (لزم مريم من اكتافها لان رادت توكلج): شبيج مريم
مريم (رجعت غوشت عيونها حطت ايدها على راسها شويه ورجعت طبيعي) حسن : ها مريم حاجيني مريم :
ها.. لامابيه شي حسن : متأكده مريم : اي اي متأكده بس خاف اتاخرت على شغلك حسن (تركها حس
دتريده يطلع فمحب يضايقها): اي صح جان عندي شغله خل اروح اسويها محتاجه شي مريم : لاسلامتك
حسن (طلع وهو يفكر بيهم والي صار لمريم) مريم (كعدت وحطت ايدها على راسها): هاي ليش هيچ صار
بعيوني هذا كله من وره الخياطه بالظلمه ياربي ساعدني ماعندي غيرك انظلمنه هوايه اني واختي واني
تعبت بس متحمله علمود اسيل مبرني يا الله (اخذت نفس وكامت سوت الاكل ووكلت اسيل) اسيل
(بالاشاره): ليش متاكلين مريم (مسحت على راسها): حبييتي اني مجوعانه ستوني اكلت من اجوع اكل
بعدين ماشي ياعمري اسيل (هزت راسها اي واكلت) مريم (كامت متاكل هوايه يعني ماكو وجبه باليوم
يادوب كم لقمه تصبر روحها بيهن لان هي متكدر تصرف اكل على كد شخصين الي دتجيبه فلوسها يادوب
يكفي على كد شخص واحد هسه هي دتبذل كل جهدها علمود اسيل متحس بشي ومثل كل يوم درست
الي تكدلله وهي تخط بالهدوم واسيل نايمه مر شهر على الي صار جان حسن بين يوم ويوم يجيلهم مريم
حاولت متبين كدامه شي بس هو جان يشك بيها لان حيل ضعفت هالايام وكلساع تغمض عيونها وتريد
توكلج بس تضيع عليه السالفه كام حسن يطلع بس اسيل لان مريم تكول عدها امتحانات وعود تقره بس
هي تستغل هالوكت علمود تشتغل بي بدال متطلع وابو المحل كام ينطيه شغل اكثر ويقلل الفلوس
وهي صابره لان ماعدها غير شغله ويوم مريم حيل تأذت جانت واكفه حست روحها داخت رادت تلزم نفسها
بس مكدت ووكعت وانضرب راسها حيل وبده ينفذ) اسيل (شافت الي صار وهي مصدومه معرفت
شتسوي راحت يمها تهزها وهي تبجي تريد مريم تجاوبها بس ماكو كامت تهمس على كيف): مـمـمـمـم
مـمـمـم مريم (ظلت تبجي يمها بعدين اذكرت راحت تركض تدور على التلفون لحد ملكته فتحته دورت

بالقائمه مال الاسماء من شافت اسم حسن خابرت عليه وجاوبها حجت ويا وهي تبجي) اسيل : الـ الـ الـ الو حسن (ميعرف صوتها): الو نعم منو اسيل : اـ...اني اسيل مريم وكعت و .. و دم حسن : شنو اسيل مدافتهم شبيها مريم اسيل (صاحت): تعال بسرعه مريم راج تموت مثل ماما وبابا 🙏🙏🙏 حسن (جان هو بالسياره واول ما دك رقم مريم كبل حول طريقه على شقتهم وزود سرعته وجاوبها): اسيل بس اهدي هسه وصلت ميصير بيها شي لتخافين بس ا بقي يمها اسيل : بسرعه حسن (سد التلفون ووره ثواني وصل وصعد الدرج ركض منتظر المصعد دك الباب فتحتله اسيل وهي تبجي): وين مريم شصار اسيل : بالمطبخ جانت واكفه نوب ووكعت راسها دم 🙏 (وهي دتحي حسن دخل راج تفحص النبض مالتها وشالها) حسن : بسرعه سدي الباب وتعال ورايه (حطها بالسياره وربك واسيل هم جان ديسوق بسرعه على اعصابه وايديه ترجف وكلبه يدك بسرعه ميدري شصار بي ماكو خمس دقائق هو شال مريم ودخل للمستشفى اجو الممرضات حطوها على السديه وصاحوا للدكتور دخلوها كبل للطوارئ) حسن (ظل رايح راجع كدام الباب من توتره باوع لاسيل شافها على الكرسي ضامه رجليها لصدرها وتبجي راج يمها كعدها بحضنه وحضنها وطبطب على ظهرها): كافي كافي هسه يخلصون ماكو شي اني اسف جان المفروض اهدئج بدال ما اتوتر هيچ واخوفج اكثر اسيل (حضنته وهي تبجي): اريد مريم حسن (هسه يله ادرك انو اسيل دتحي وعرف انو من انصدمت مره ثانيه يله انفكت العقده مالتها بس شنو الفائده مريم هسه ماكو حتى تفرج): واخيراً رجعتي تحجين ياعمري هسه انتبهت لتبجين هسه تطلع مريم مابيه شي (وره مده طلع الدكتور والممرضات طلعا مريم نقلوها للعنايه وشدولها مغذي) الدكتور : منو ولي امر المريضه حسن (وكف وويا اسيل): نعم اني جبتها الدكتور : المريضه حيل تعبانة وناقصها تغذيه وجسمها ضعيف وتعاني اجهاد وقلة نوم وعدها مشكله بعينونها لازم ترتاح فتره والا لازم تلبس مناظر او ممكن تحتاج تسوي عمليه لعيوننها وهذا هو الي سبيلها اغماء البنيه يحتاجلها عنايه حسن (انصدم من سمع كل هذا): ماشي شكراً دكتور راج اهتم بيها بس نكدر نشوفها الدكتور : هسه هي بالعنايه متكدرون من يطلعوها يله اسيل : اريد اشوف مريم 🙏 الدكتور : يا حبيبتى ليش هاي الدموع اسيل : اريد اختي 🙏 الدكتور : ماشي ماشي هسه اخليهم يدخلوكم حسن : شكراً دكتور الدكتور : العفو هذا واجبي (الدكتور خلاهم يدخلون يمها بس جانت بعدها بتأثير المخدر نايمه اسيل كعدت على الكرسي يمها ولازمه ايدها لحد مانامت حسن كاعد من الجئه الثانيه يباوعلهم) مريم (بجسمها الضعيف ووجهها الذبلان الي صار اصفر والتعب الي ميين عليها من قلة التغذيه والاجهاد والشغل الزايد عن تحملها جانت نايمه على ذاك الفراش الابيض ويمها شخص لازم ايدها ودموعه بعينه يباوعلها بكل حب وندم لان محس بتعبها ومكدر يساعدها كام يلوم نفسه على الي صار) مريم (بدت تفتح عيونها وره مده) حسن (حاول يمسح دموعه ومييين)

© Wattpad - 2025

YOU ARE READING

مجرد حرب وخلافات سخيغه انقتلوا هوايه اشخاص مالهم ذنب وتيتموا الاطفال الكل يعاني لازم نكون ايد وحده حتى نوکف بوجه الصعوبات هالقصه من واقع عاشوا بي هوايه اشخاص حبيت اختمها بنهايه سعيده

© Wattpad - 2025

YOU ARE READING

مجرد حرب وخلافات سخيـفه انـقتلوا هـوايه اشـخاص مـالهم ذنب وتـيتموا الـاطفال الـكل يـعاني لـازم نـكون ايد وحده حتـى نوـكف بـوجه الصـعوبـات هـالـقـصـه مـن وـاقـع عـاشـوا بـي هـوايه اشـخاص حـبـيت اخـتمـها بـنـهايه سـعـيـده

مريم (من فتحت عيونها رادت تعرف شنو صار شجابها هنا باوعت على يمينها شافت اسيل لازمه ايدھا ونايمه ومبين باجيہ باوعت من الجھه الثانيہ شافت حسن وهم عيونه مورمه) : حسن حسن (لزم ايدھا) : هشش نامي بعدج تعبانہ مريم (بتعب) : شنو صار ليش احنه بالمستشفى حسن : بعدين نحجي شوفي شلون تعبانہ کوه تحجين هسه نامي مريم (هزت راسھا وغمضت عيونھا وره ثواني انتظمت انفاسھا) (مرت خمس ساعات ومريم بعدها نايمه حسن اخذھا اذن خروج علی انو هو یهتم بيھا وطلعھا وهي بسابع نومہ صارلھا اشھر منايمه هيچ) مريم (ورہ فترہ كعدت فتحت عيونھا شافت روحھا بغرفه لا مو غرفه المستشفى ولاغرفتها جانت بمكان معرفته كامت رغم حسـت بدوخه بس كملت طريقھا للباب وفتحتہ من طلعت مكدرت تمشي خطوتين وداخت رادت توکع وره ثواني محسـت بنفسھا بالكاع لا اکو احد شايلھا فتحت عيونھا شافت حسن ووجهھا صار يذب الوان) حسن : تؤتؤتؤتؤ همزين جنت جاي داشوفج مو كتلج لازم ترتاحين ليش كميتي ها يله راج ارجع ونامي ماريد تكومين دقايق وتصير الشوريه حتى تاكلين مريم : اااا... ببس هاي شجابني هنا مو جنت بالمستشفى واذا طلعوني ليش مرجعتي لبיתי وماريد اكل ماشتهي ووین اسيل ووو (صار وجهھا احمر) ونزلي ليش شايلني حسن : اولاً اني طلعتج على مسؤوليتي وثانياً جبتي لبיתי حتى ادير بالي عليح لان مثل مكلت طلعتج على مسؤوليتي وثالثاً لازم تاكلين والا استخدم غير طرق ورابعاً اسيل جانت تنتظرچ لحد مانامت وخامساً شلتج لان ردتي توکعين واصلاً نسيت انو اني شايلج لان مايبج وزن هالكد ما ضعفانه وتعبانہ مستحيل ترحين لأني مكان قبل مترجعين بدوبه مريم : عااااا ولي اني مجنت بدوبه حسن : ميهم صيري بدوبه (رجعھا للغرفه حطھا على الفراش) ولا حرکه اجيب الاکل واجي مفهوم مريم (هزت راسھا اي بدون ولا كلمه) حسن : عفیه هيچ صيري شطوره سمعي الكلام مريم (عصبت) : عااااا اني مو طفله حسن : ماشي ماشي (راج جاب الاکل واجه كعد كدام مريم وانطاھا الاکل) يله اكلي مريم (دارت وجهھا عنه) : مااا ماريد 😞 حسن : وتكلي مو طفله لعد هاي التصرفات شنو مال كبار مثلاً مريم (باوعتلہ معصبه) : اي طبعاً لعد شنو حسن (حط اصبعه على كصتها ودفعھا) : لا انتي طفله واصغر من اسيل هم مريم : مااااا انت الطفل (عصبت نوب بدت تنزل دموعھا) حسن : يووو مريم مريم : ما لتجاجيتي حسن (وخر الاکل وتقرب يمھا مسح دموعھا) : ليش ليش هيچ ليش دموع مريم : انت تحجي عليه حسن (حضنها) : اوک اسف بعد معايدها ماشي هسه اوک مريم : هوهوهه شفت شلون خليتك تعتذر خدعتك حسن (عافھا وباوعلھا بطرف عينه) : لاوالله مريم : اوک سكتت 😊 حسن (حط الاکل كدامھا) : يله اكلي مريم : بس ماشتهي حسن : تاكلين لو اوکلج صار كومہ مماكله صار ساعه نتفاهم راج بيرد الاکل مريم : ماريد 😞 حسن (قرب الخاشوكه يم حلکھا) : يله لتعاندين هذا كله تخلصي معدتج متقلصه من قلة الاکل ونوب نزفتي من وكعتي اكلي يله مريم (اكلت) : مممم هذا منو طبخه حسن : اني 😊 مريم : اااااااا 😞 مو طيب حسن : صدك معجب عادي هسه اسوي غيره (شال الاکل راد يكوم) مريم (لزمتہ) : لا اشاقه وياك كلش طيب حسن : لج هسه وکت شقه كافي صار ساعه يله لكمه وحده مريم : اوک (بدت تاكل لحد ما حسـت حسن ديباوعلھا من بدت للان حاجته بدون متباوعلھ) : شنو اني تلفزيون مثلاً حسن (جان صافن عليها لحد ماحس على روچه من حاجته دار وجهه) : احم لا هيچ جنت دافكر اشوف اسيل واجي كملي اكلج مريم (كملت وحسن بعده ماكو كامت وشالت الصحون ويھاا دتريد تطلع اجه حسن) حسن (اخذ منها الصحون) : ليش كميتي وين رايعه مريم : كملت داريد اغسل المواعين حسن : لا بعدج ستوج طالعه من المستشفى عوضی المواعين هسه يله رجعی نامی مريم : شلون میصیر حسن (حط الصحون على المیز ودفع مريم رجعھا

للجربايه نومها وغطاها): اذا اجيت لكي تج متحركه تتعاقبين ماشي (اخذ الصدون وطلع) (مرت فتره نوب اجت يمها اسيل فرحت حيل من شافتها تحجي ونزلت دموع الفرح من عينها نوب مرت ايام ومريم واسيل بقوا يم حسن مخلصهم يرجعون وحدهم هو اهتم بيهم وراقب الجرح مال مريم الي براسها اول ايام مخلصها تطلع للدوام جانت بس اسيل يوديتها ويرجعها بعدين بدت تداوم بالجامعه عرف بسالفه الشغل مالتها ومنعها انو تشتغل بي بعد ومخلصها تقره اي شي ولا تسوي اي عمل يترادله تركيز كل هذا علمود عيونها) مريم : اوف تره باجر عندي امتحان شلون خل اقره حسن : ماكو اني اقرالج غير هالكلام ماكو قرايه مريم : اوووك يله ابده احبيلي خل اسمع (اتمددت على القنفه وهو كاعد كدامها بده يقرالها وهي كلساع تكله مسمعت مفتهمت عيد) حسن : مريم هالشي مراح يخليتي ابطل وانما راح اصر اكثر مريم : اووووف ماشي اسفه حسن (ظل يشرحها لحد ما خلصوا): هسه ماشي مريم : اي حسن (سد الكتاب وكام حطه على الطاولة): يله هسه شنو مريم (كعدت عدل وحبث): حسن 😊 حسن (باوعلها): شنو مريم : امممم يعني ما عرف شكول بس صار فتره افكر بهالشي حسن : شنو احجي مريم : بالنسبه لكعدتنه اني واسيل يمك حسن (كعد كدامها): شنو اكو شي مضايكم او تـ.. مريم (قاطعتها): لالا بالعكس ماكو شي مضايقنه حسن : لعد شنو مريم : احنه دنضغط عليك دتتحمل مصاريف زايد بسببته ومحمليك مسؤوليه وانت متربطك علاقه بينه واعرف كلام الناس الدينحجي عليك لان احنه وياك بالبيت فـ.. حسن (قاطعتها): مريم اني كل هذا ميهمني اهم شي راحتكم انتو مريم : بس لشوكت راح نبقه حمل عليك ميصير هيح حسن : بس مريم انتو متكدرون وحدكم شلون اعوفكم نسيي الي صار مريم : اي بس اني جنت وبعدي اقدر اعيش وحدي واتحمل مسؤوليتي ومسؤولية اخي حسن : اعرف ومحد كال انتي متكدرين بس ماريدج تتعيين اـ.. مريم (قاطعتها بابتسامه): اعرف انت مهتم وخايف عليه وتريد مصلحتنه بس احنه نكدر نعيش وحدنه مثل مجنه حسن : اـ.. (قاطعه صوت التلفون رقم ياسر) بس لحظه مريم : اوك حسن (جاوب): الو شلونك عمي جندي : الو ألسلام غايكم حسن (تفاجأ مو ياسر الي جاوبه ظل باله): وعليك السلام نعم اخي صاير شي وين صاحب التلفون الجندي (بأسف): ابني الاعمار بيد الله واليوم الملازم ياسر استشهد ويه الفرقة مالتة حسن (انصدم): نعم؟؟ الجندي : ابني اذكر الله حسن (استوعب الي ديصير وحط ايده على وجهه نزلت دموعه): انا لله وانا الله راجعون مريم (مرتاحت وحست اكو شي) الجندي : ابني حسن ياسر ترك وصيه ومكتوب بيها رقمك واسمك علمود نوصلها لك ويصير عندك علم دزلي عنوانك بالتفصيل برساله علمود يجيبولك الوصيه حسن : ان شاء الله شكراً (سد الاتصال دز العنوان نوب ذب التلفون حط ايديه على وجهه واخذ نفس عميق) مريم (بخوف): شصار حسن منو توفه حسن (وخر ايديه وحجه بخنكه): استشهد يا مريم استشهد مريم (حطت ايديها على حلقها وتجمعت دموعها): لاتكول حسن : كالي الاعمار بيد الله واليوم الملازم ياسر استشهد مريم (ظلت تبجي هذا الانسان الي ساعدهم هي واختها ورغم هذا من راح ظل يفكر بيهم ويدزلهم فلو سه ورجع ساعدهم من جديد ولوما هو جان معرفوا حسن ومتحسنات اسيل ومحد وكف وياهم مريم جان ماتت من وكت مانزفت لو ماهو جاي محد جان اهتمامهم) حسن (دمعت عيونه وهو يحجي): اني جنت الوحيد لاهلي امي توفت وره ولادتي وابويه استشهد جان ياسر صديقه هو تكفلي وره والدي ورباني بفضلته صرت دكتور هو ساعدني لو ماهو جان انتهيت بالميتم مجنت اعرف شلون اردله جميله ملحكت اعطني بي مثل مااعتنه بيه مكدرت اردله ذره من السواليا (انك الباب) حسن (مسح دموعه وراح فتح الباب وره شويه دخل وييده ظرف): هاي الوصيه مريم : اذا تريد تردله الجميل مثل متكول معناها لازم تنفذله الوصيه لان الظاهر هو تاركها لك حسن (تردد اول شي انتظر فتره يفكر قبل لا يفتح الظرف ويقره الوصيه بصوت): بسم الله الرحمن الرحيم ابني حسن هالرساله راح توصلك من الله ياخذ امانته واموت لو استشهد اني ربيتك وحببتك مثل ابني الي ما حصلت عليه ابوك جان غالي عليه ومات بين ايديه استشهد بدون ميوصيني عليك اني

أخذتك يمي وربيتك لحد ماكبرت وتخرجت والله وفقك هسه انت كبرت وتكدر تتحمل مسؤوليه ولازم تعرف
انو اني متكفل باكثر من طفل مثلك ومثل مريم بس انت اكبر واحد بيهم وبعدك مريم والبقية اصغر منكم
بنيه وولدين اتمنى اذا مكدرتوا تداروهم تنطوهم ولو مبلغ بسيط من الفلوس حتى يهتمون بيهم هذا
طلبي الوحيد منكم انت ومريم وطبعاً مريم واسيل امانه يمك انتبهلهم زين. ندى ٨ سنوات محمد ٥
سنوات يزن سنه العنوان..... مريم : بعدهم صغار حسن (كعد وخط وجهه بين ايديه): مريم احتاج مساعدتج
مريم (كعدت يمه وخطت ايدها على ظهره): عمو ياسر مثل ما اله فضل عليكم فاني لو ما هو جان متت من
عمرى ١٢ سنه وبنفس الوقت مساعدتك الي ما اقدر اردلكم جميلكم ويايه بأي ثمن فاكيد اني واكفه وياك
حسن (باوعلها): شكراً مريم (باوع للساعة) تاخر الوقت باجر عندج امتحان مريم : اوك تصبح على خير حسن :
وانتي بخير (ثاني يوم راحت مريم امتحنت وخلصت فترة امتحاناتها واجت العطلة العصر راحت تحجي ويه
حسن) مريم : ها فكرت بالاطفال حسن : اي مريم : وشنو قرارك حسن : راح اتبناهم اليوم تكدرين تجين ويايه
مريم (فرحت لان حينفذ الوصيه): اي اكيد حسن : يله بدلي خل اصيح لاسيل (بدلوا وراحوا بالسياره للعنوان
ووياهم الوصيه بما انو ياسر جان متكفلهم فبالوصيه يكدرون يتكفلون الاطفال مكانه وصلوا وراحوا
للمكتب) المديره : ألسلام عَليكم تفضلوا حسن : وعليكم السلام اكو ثلاث اطفال ندى ومحمد ويزن عمي
ياسر الله يرحمه جان متكفلهم ويرسلهم مبلغ مالي مثل مكتب بوصيته وهسه احنه جايين نريد نتبناهم
مثل ماتركلنه بالوصيه المديره : ممكن اقره الوصيه حسن (انطاها الوصيه): نعم تفضلي المديره (تاكدت
من الخط من الرسائل الي جان يدزها ويه الفلوس للاطفال وكالت للمرييه تجيب الاطفال) المرييه (اجت
شايه طفل وولد وبينه يمشون وياها) مريم (راحت لندى ومحمد بابتسامه نزلت لمستواهم): هلو شلونكم
ندى : زينين محمد : انتي ماما الجديده ؟! ندى : يعني راح يصير عدنه بيت مثل قبل! محمد : اريد اروحله مريم
(حظنتهم من حبيهم تذكرت الي صار بيها هي واسيل فمحببت يصير بيهذوله الاطفال مثل الصار بيها قررت
ترعاهم لو شيصير شنو ذنبهم): اي اني ماما وراح يصير عدكم بيت جديد حلو نعيش بي سويه ونتونس باعوا
هاي اسيل مثل اختكم الجبيره راح تحبكم وتلعبكم

Wattpad - 2025 ©

YOU ARE READING

مجرد حرب وخلافات سخيغه انقتلوا هوايه اشخاص مالهم ذنب وتيتموا الاطفال الكل يعاني لازم نكون ايد
وحده حتى نوكمف بوجه الصعوبات هالقصة من واقع عاشوا بي هوايه اشخاص حبيت اختمها بنهايه
سعيدة

Wattpad - 2025 ©

YOU ARE READING

مجرد حرب وخلافات سخيغه انقتلوا هوايه اشخاص مالهم ذنب وتيتموا الاطفال الكل يعاني لازم نكون ايد
وحده حتى نوكمف بوجه الصعوبات هالقصة من واقع عاشوا بي هوايه اشخاص حبيت اختمها بنهايه
سعيدة

ندى ومحمد (انرسمت البسمه على وجوهم) مريم (شالت الطفل يزن وهي تلعبه) المديره : هاي الطفله
بتكم مريم : لا هاي اختي اسيل المديره : وانتي حضرته زوجته صح ؟؟ مريم : لا احنه مثل هذوله الاطفال
عمو ياسر جان متكفلنه المديره (ظلت تتناقش وياهم لحد ما توصلت لنتيجه): ما ممكن تتكفلون هذوله

الاطفال الا اذا تزوجتوا مريم : بس ليش المديره : بكل بساطه لان اذا واحد منكم صار وحده مراح يكدر يداري الاطفال ثلاثتهم الا اذا جنتوا سوه احنه لازم نضمن صحت البيئه الي حيعيشون بيها الاطفال ومستحيل تكون بدون ام واب حنونين حتى لو توفر البيت والمصرف الطفل من صغير هسه يحتاج لام بس من يكبر لازم يكون وياه اب يسنده بينما البنيه اكيد تحتاج امها ومتتخلا عنها ابد ماكو شي مثل الام وبتها واعتقد حضرتج حسيتي هالشى ويه اختج مريم : اي طبعا وافقج الراي ست حسن : ممكن بس لحظه نحجي بره على انفراد المديره : عادي تفضل حسن (كام واخذ مريم ويا وبعدها بيدها الطفل طلع بالحديقه): مريم انتي مامجبوره مريم : اعرف (باوعت ليزن) بس هالاطفال شنو ذنبهم (انطته لحسن) هاك باوع بعينه وشوف شتحنس حسن (كوه كدر يلزمه علمود ليوكع اول مره يشيل طفل صغير): صحيح ماله ذنب مريم : مو بس هو حتى ندى ومحمد احنه كلش زين نعرف شنو يعني طفل يكبر بدون ابو وامه وهالشى ابدأ مو حلو ماريد يحسون بالي حسينه بي ثانياً هي مجرد ورقه مراح تغير شي حسن : اذا انتي حبيتهم وموافقه اني ماعندي مانع مريم (ابتسمت واخذت يزن وحضنته): اكو احد ميحب هالكائنات الحلوه (دخلوا واتفقوا ويه المديره يكملون الاوراق علمود ياخذوهم ووره اسبوعين كملوا الفحوصات والمحكمه والشيخ والاوراق وجابوا الاطفال وراحوا لبيت حسن) حسن : وهذا هو بيتكم الجديد عجبكم ندى : حلو وجبير محمد : يعني بعد راح نعيش هنا حسن : اي طبعا ندى (حجت وهي مستحيه): زين عادي نكوللكم ماما وبابا حسن : اي حياتي بكيفكم كلشي يعجبكم سوو مريم (ابتسمت): اكيد عادي حبيتي محمد وندى (حضنوا مريم وحسن سوه): شكراً حسن : يله شوفوا البيت علمود تختارون وين تنامون (البيت طابقين جوه حديقه وكراج ومطبخ واستقبال وغرفه وفوك غرفتين وبالطابقين اكو حمامات) اسيل : اني ندى تنام يمي فوك حسن : لعد ومحمد يزن بالغرفه الثانيه ندى : واكيد ماما وبابا بالغرفه الجوه حسن ومريم (واحد باوع للثاني) مريم (بيدها يزن): هسه يله خل نصعد نشوف الغرف علمود تبدلون وترتاحون مريم (اخذتهم وصعدت فوك) اسيل (بقت جوه هي وحسن): هسه انت ومريم متزوجين صح حسن : اي اسيل : حسن عفيه لتزعل مريم تره هي تاذت هوايه من الي صار ومي فعفيه ماريد اشوفها زعلانه بعد حسن (باس كصتها): احنه كلنه تاذينه هوايه ان شاء الله بعد نرتاح اسيل : ان شاء الله حسن : هسه انتي حافظي على دراستج زين فاتتج هوايه سنين اذا تحسين تكدرين تسرعين كوليلي علمود اساعدج اسيل : خوش خل اصعد اشوفهم حسن : ماشي اسيل (صعدت) حسن (كعد وخط ايديه على وجهه يفكر) (الاطفال غيروا ملابسهم وكعدوا يسولفون شويه واجت اسيل اخذت يزن وكعدت يمهم) مريم : اسيل ابقى يمهم خل ينامون شويه خل اشوف شنسوي غده اسيل : تعوفيني وحدي يمهم مريم : لج عمرج ١٥ سنه شكبرج تصيرين بعد هوه اني جوه اي شي صيحيلى اسيل : هوهههوهه ديله خوش مريم (نزلت): حسن حسن (رفع راسه باوعلها): نعم مريم (فركت ايديها متعرف شلون تطلب منه): اا محتاجين هوايه اشياء للاطفال شنو رايك نبيع الشقه علمود ن... حسن (وكف قاطعها): ماكو داعي نبيع الشقه هاي حقج انتي تعبتى بيها شنو محتاجين كوليلي مو بس للاطفال حتى انتي واسيل اني مستعد اوفرلكم احتياجاتكم مريم : بس انت هم هذا تعبك ميصير كله عليك زين بما انو عطله خل اشتغل اني هم حسن : اذا اني رحت للدوام وانتى هم رحتى منو يبقى يم الاطفال اسيل مستحيل تسيطر عليهم هسه مو مهم كلنه واحد مريم : ا... محمد (قاطعها وهو ينزل الدرج): بابا حسن (راج شاله من وصل): هاجبيي محمد : اني جوعان مريم : هسه اسويلكم اكل حسن : خوش لعد شوفي شنو اكو نقص حتى اني وحمودي نروح نجيبه محمد : ايبببب مريم : ماشي هسه اشوف (راحت للمطبخ وكتبت شنو تريد بورقه وانطتها لحسن) حسن : بس هذا مناسيه شي مريم : اي دير بالك على محمد بالشارع حسن : ماشي يله نروح (لزم ايد محمد وطلعوا) مريم (بدت تطبخ وره شويه رجع حسن انطاها الغراض) مريم : وين محمد حسن : صعد فوك محتاجه شي مريم : لا لاروح اكعد يمهم شويه حسن : خوش مريم (من خلصت الغده صبت

السفره وصاحتهم ومن كملوا اكل راحوا كل واحد لغرفته بس مريم معرفت وين تروح فبقت تباوع للتلفزيون وره شويه نامت بدون متحس) حسن (طلع رايح للحمام جان سمع صوت التلفزيون باوع شاف مريم نايمه نسه تماماً انوا الاطفال اخذو مكانها فوك فشالها وداها بغرفته وكعد هو يم التلفزيون وره ساعه سمع صوت بجي سعد ليزن نزله يمه جوه يحاول يسكته بدون فائده) مريم (سمعت الصوت وكعدت لكت روحها بغرفة حسن استغربت عدلت الفراش وطلعت): ها ليش يبجي حسن : ماعرف ليش مايسكت مريم (اخذته من عنده وسكت) حسن : هاي شنو شسويتي مريم : جنت لازمه حيل مأذي حسن : غير اخاف يوكم مريم : ههههه مولهل درجه حسن : يله خوش هسه شوفي شنو محتاجين غراض الكم وللمطبخ خل نطلع نجيبهن مريم : ماشي راحت مريم بدلت للاطفال نفس الهدوم الاجو بيها لان هسه حيشترولهم هدوم وحتت مميه حليب ليزن بجنتها وشالته ونزلت وويها اسيل وندي ومحمد شافت حسن جاهز ديتظرهم لابس

© Wattpad - 2025

YOU ARE READING

مجرد حرب وخلافات سخيغه انقتلوا هوايه اشخاص مالهم ذنب وتيتموا الاطفال الكل يعاني لازم نكون ايد وحده حتى نوكم بوجه الصعوبات هالقصه من واقع عاشوا بي هوايه اشخاص حبيت اختمها بنهايه سعيدة

شويه حسست بخجل من روحها تندمت لان قبلت يسوي اوراق زواجهم كونه طيب ومن مستوى راقي ومناقصه شي كل وحده تتمنى وكونها مجرد طالبة وهدومها الرخيصة القديمه رغم حاولت تلبس احسن شي عدها بس حاولت متبين هالشي وساعدها كونها شايله يزن الي جان كلش هادي حسن (ابتسملهم): كملوا الحلوين ندى : وين راج نروح حسن : للمول يله (ركبو بالسياره وراحوا ومن وصلوا دخلوا للمول اول شي اشتروا ملابس لندي واسيل هم نوب لمحمد واخر شي قسم الاطفال ليزن اخذوله جنطه لغراضه وهدوم وكم لعبه مال عمره وحليب وحفاظات وكل شي يحتاجه ومن كملوا جان حسن يمشي وهي بصفه بيدها يزن واسيل تمشي ويه ندى ومحمد جانت مريم تباوع للملابس والبنات ولبسهم واناقتهم ومكياجهم وهي مصحلها قبل تجي لمول جانت من تضطر يله تشتري ملابس من اي محل عادي المهم عبالها راج يطلعون للبيت لحد محست همه بالقسم النسائي) حسن : هاعجب شي مريم : ها حسن : اختاري شنو تردين مريم : لا لا ماريد شي صارن هوايه الغراض حسن : معليج بالغراض هذني مالتهم هسه انتي ماخذتي شي مريم : والله ماريد حسن (اخذ منها يزن): يله مريم اختاري اي شي مريم (راحت يم الملابس كلما يعجبها شي تشوف السعر تنجلط وتعوفه): ماريد شي معجبوني حسن : اوك اني راج اختار مريم : والله ماكو داعي حسن (انطاها يزن وراج اختار اكثر من شي وحاسب واجاهم): يله جوعاين تتعشون الساعة ٩:٣٠ محمد : اني جوعان ندى واسيل : احنه هم مريم : هاهيه لعد حسن : يله خل نفوت للمطعم (كملوا ورجعوا للبيت بدلوا ومريم نيمتهم وظلت كاعده يم يزن معرفت وين تروح اخر شي نزلت جوه تشرب مي جان سوال شاغل بالها حسن صرف هوايه فلوس اضافه للبيت والسياره هو مصارله هوايه من مخرج شلون ومين) حسن (شافها وهي طالعه من المطبخ): مريم مريم : نعم حسن : طولتي فوك اذا تردين نامي بالغرفة اني راج انام بالاستقبال مريم : لاشلون حسن : ماكو شلون لعد وين تنامين يله فوتي شوفي الغراض الختاريتهن بالكتنور يله اني رايح مريم (دخلت للغرفة ماعدها غير حل ظل عدها فضول ففتحت الكتنور وباوحت للملابس جان عدهم هوايه بالنسبه الها شكو قطعه عجبته وباوحتلها لكتها موجوده بالكتنور اضافه

مجرد حرب وخلافات سخيفه انقتلوا هوايه اشخاص مالهم ذنب وتيتموا الاطفال الكل يعاني لازم نكون ايد وحده حتى نوكلف بوجه الصعوبات هالقصة من واقع عاشوا بي هوايه اشخاص حبيت اختمها بنهايه
سعيدم

وره اسبوع اضطر حسن يداوم لان صار فتره مرايح للعياده حسن : صباح الخير زيد : صباح النور وين هالغيبه عايف كل الشغل عليه حسن : هوايه اشياء صارت يازيد زيد : احبيلي حسن : اذا احبيلك معناها اليوم هم مراح اشتغل باختصار صار عندي زوجه واربع اطفال زيد (انصدم): شنو لك عمرك ٢٨ وبسبوعين تختفي ترجع عندك اربع اطفال ومتزوج من ورايه حسن : عمي ياسر استشهد وعافهم امانه عندي بوصيته زيد : انا لله وانا اليه راجعون البقيه بحياتك والله ماعرف شحبي حسن : يمعود لتحبي شي زيد : ان شاء الله امرلك للبيت حسن : هله بيك (من خلص المرضه العنده طلع وبالطريق جاب كم حاجه وياه ورجع للبيت بالاستقبال من دخل ملكه احد البيت هادي راح حط الغراض بالمطبخ وبالغرفه ملكه احد استغرب وصعد فوك بسرعه فتح غرفة الولد شاف يزن واكف بالجربايه ومريم جانت نايمه على الكرسي بصف يزن فراطلها) حسن (وكف يمها باوعلاها ووخر شعرها عن وجهها وهمس): مريم مريم مريم : ها ها كاعده ها حسن شوكت اجيت حسن : هسه اجيت ليش نايمه هنا مريم : يزن حرارته مرتفعه يزن (ابتسم وصفك بايديه) حسن (حط ايده على راسه): ميين مابي شي هسه ليش هيح مضوج ماما يزن (ضحك) مريم : من رحت هو بس يبجي وافتر بي حرارته جانت مرتفعه سويتله كمادات معرفت شسوي بعد حسن : ليش مخابرتيني جان اجيت مريم : غير عندك شغل حسن : ميهوم على الاقل يصير عندي علم بس وين البقيه مريم : بالغرفه الثانيه يمكن ناموا هالكد ملعبوا حسن : خوش يله تعالي جوه ارتاحي بين مانسوي اكل مريم : لا مسويه الاكل جاهز معرفت شوكت تجي فحضرته من وكت حسن (شال يزن): خوش يله لعد كعدوا الجهال ونزلوا اكلوا وهمه دياكلون ندى : ماما انتي ليش غراض بغرفتته فوك حسن : فد مره احتاجتتهن فوك ونستهن لان عدها غراض جوه ندى : اها زين ليش البارحه من كعدت لكيت بابا نايم على القنفه وقبلها هم شفته حسن : لان متعود انام على القنفه عادي اسيل : حبييتي من ناكل ميصير نحبي ندى : خوش (بالليل من ناموا الجهال ونزلت مريم شافت حسن) حسن : مريم مو افضل تنزلين غراض بعد جوه مريم : ماعرف انت شتقول بس شعليها واذا بقن حسن : هذوله اطفال باجر عكبه كدام اي احد يحجون مريم : ماشي (صعدت جابت غراضها ورتبتهن بالغرفه طبعاً اخذت مساحه كلش صغيره محبت تحتل الغرفه اصلاً هي ماعدها لامكياح ولاغراض زايد بس اشياء بسيطه) (وره يومين حسن بالشغل خابر لمريم كللها راح يجيهم زيد على العشه فهي حضرت اشكال والوان مقبلات واكل وحلويات وبالليل) حسن (فتح الباب): اهلا وسهلاً زيد : اهلا بيك (سلم عليه ودخل شاف بنيه انبهر بيها) مريم (بخجل): ألسلامُ عَلَيْكُمْ اني مريم

© Wattpad - 2025

YOU ARE READING

مجرد حرب وخلافات سخيغه انقتلوا هوايه اشخاص مالهم ذنب وتيتموا الاطفال الكل يعاني لازم نكون ايد وحده حتى نوکف بوجه الصعوبات هالقصة من واقع عاشوا بي هوايه اشخاص حبيت اختمها بنهايه سعيده

زيد (صافن): وعليكم السلام اني زيد تشرفت بمعرفتج مريم : الي الشرف اعذرني بس دقايق (راحت) حسن (من شافه صافن قرص ايدمه): هاي زوجتي زيد (لزم ايدمه القرصها لان تاذه وباوعله): يعني تزوجت مريم ، يعني هاي هي مريم هذي حسن : اي شبيب ندى (دخلت زعلانه راحت لحسن): بابا بابا

حسن (حضاها): ها حبييتي ندى (زعلانه): محمد ضوجي اخذ عصيري حسن : هسه احاجي سلمي على عمو اول ندى (راحت باسته): هلو عمو شلونك زيد : هلو حبييتي انتي شلونج شسمح ندى : اني زينه اسمي ندى اسيل (دخلت شايه يزن): ألسلامُ عَلَيْكُمْ شلونك عمو زيد : وعليكم ألسلام اسيل صح اسيل : اي وهذا يزن

زيد (شال يزن من عدها): ما شاء الله محمد (دخل وسلم على زيد)

© Wattpad - 2025

YOU ARE READING

مجرد حرب وخلافات سخيغه انقتلوا هوايه اشخاص مالهم ذنب وتيتموا الاطفال الكل يعاني لازم نكون ايد وحده حتى نوکف بوجه الصعوبات هالقصه من واقع عاشوا بي هوايه اشخاص حبيت اختمها بنهايه سعيده

زيد : شلونك يابطل شنو اسمك محمد : زين اني محمد حسن : محمد ليش ماخذ عصير ندى يله اعتذر وبوسها محمد : اني اسف بعد ما عيدها (باسها) ندى : خوش زيد : والله لوما اعرفك من قبل جان صدكت هاي عائلتك حسن : وهي هاي الحقيقه هذوله عائلتي بعد ما كدر اعيش بدونهم زيد : اي طبعاً هو اني اول مشفتهم حبيتهم حسن (عرف قصده وضربه) زيد (ضحك عليه): الله يخليكم لبعضكم حسن : ان شاء الله (وره شويه اجت مريم كلتلهم السفره جاهزه وتعيشوا سويه وره فتره راح زيد) (مرت مده حسن جان يروح كل يوم لشغله ويرجع يلکاهم متعین مريم بس تركض وتلم وراهم بيوم رجع من الدوام باوع بالاستقبال شافهم منزليين كل الالعاب ولاعين جوله)

حسن : ندى شنو هاي يله انتي ومحمد شيلوا الالعاب کلهن بسرعه ندى ومحمد : حاضر بابا حسن : اسيل ساعديهم صعدوا الالعاب فوك اسيل : اوک حسن (راح للغرفه دق الباب نوب فتحه على كيف ودخل شاف مريم ويزن نايمين کعد ظل يباوع لمريم ويفکر وره شويه غطاهم وکام)

مريم (تحركت): ها حسن اجيت حسن : مصار دقايق مريم (کامت وبقه يزن نايم): خوش راح احضر الاکل بين متبدل حسن (لزم ايدها قبل لتروح): مريم مريم (التفتله): نعم حسن (ضغط على العلبه الي بجيب سترته واخذ نفس): لاما کو شي براحتج مريم : بس ايدي حسن (انتبه وترکها): اسف متنبهت (راح طلع هدومه وباوع للباب شافها طلعت) غبي غبي شبيه مکدرت احجي (طلع العلبه من جيبه وباوع للحلقه) اووووووف (اکلوا وکملوا ومر اليوم بالليل من نومتهم نزلت راحت تريد تحاجي حسن) حسن (من شافها جايه عاف شغله باللابتوب وانتبهلها): اکو شي مريم : اي بالنسبه للشقه حسن : اني مو کتلج انسي الموضوع مريم : زين مو شرط نبيعهها اجرها خل نستفاد منها حسن (لزم ايديها): والله ماکو داعي مريم : ميهم ماحب اکون ثقل على احد على الاقل يقل شعور الذنب الي بداخلي کل هالشي بسبيبي حسن : خلي ببالج انتي مستحيل فد يوم تكوينين ثقل عليه اوکي اصلاً بالعکس لوما انتي جان معرفت شسوي بدونج ولالوين اودي الجهال من اطلع للشغل مو بس علمودهم هوايه شغلان تغيرت للاحسن بفضلج واذا تردين راح اجرها بس الفلوس انتي تاخذيه مريم : اني شسوي بيهن لا انت صرفت هوايه عليه انت تاخذهن حسن : انتو عائلتي اذا عليكم ماصرف عليهم اصرف انتي ضميهن يمچ لوقت الحاجه ممکن فد يوم نحتاجهن مريم : ماشي (ومن صدك وره فتره لکه حسن مؤجر زين شويه وکعد بالشقه وخلال فتره خلصت العطله وبده الدوام وجان حسن محضرلهم ومشتريلهم الیحتاجوا من کتب ولوازم) (يزن حضانه ومحمد صف اول وندي ثالث واسيل اعداديه ومريم ثالث کليه مرت سنه والوضع صار احسن شويه بدوا يتعودون على بعضهم) ندى : ماما ماما مريم : حبييتي ندى : شوکت الحفله مالت المدرسه مريم : باجر ندى : نروح مو مريم : شوفي بابا ندى (رکضت وکعدت بحضن حسن): بابا عفيه خل نروح حسن : خوش نروح بس لازم تنامون من وکت ندى (راحت رکض للدرج): تصبحون على خير اسيل (کامت للدرج): اني هم راح نام تصبحون على خير مريم : يله محمد ويزن وقت النوم الساعه ١٠:٣٠ محمد : تصبحون على خير (باسهم وراح) يزن : يزن نام يم ماما وبابا حسن : لاجيبي ميصير

مجرد حرب وخلافات سخيـفه انـقـتـلـوا هـوايـه اشـخـاص مـالـهم ذنـب وتـيـتـمـوا الـاطـفـال الـكل يـعـانـي لـازـم نـكـون ايد
وحدـه حـتى نوـكـف بـوجـه الصـعـوبـات هـالـقـصـه مـن وـاقـع عـاشـوا بـي هـوايـه اشـخـاص حـبـيـت اخـتـمـها بـنـهايـه
سـعـيـد

YOU ARE READING

مجرد حرب وخلافات سخيغه انقتلوا هوايه اشخاص مالهم ذنب وتيتموا الاطفال الكل يعاني لازم نكون ايد وحده حتى نوكم بوجه الصعوبات هالقصه من واقع عاشوا بي هوايه اشخاص حبيت اختمها بنهايه سعيدة

حسن : اول شي انتو مو مجرد نفرات واحسبكم عدد لا انتو جزء من روجي هسه صرتوا عائلتي الي اول مره احس بطعمها بفضلكم فمستحيل اسوي شي ياذيكم ولاتخافين مو حرام هذا البيت ملك عائلتي جنت عايش بي بصغري امي توفت من جنت صغير ووره فتره مثل ماكلت ابويه توفه فامي هي الوحيد لاهلها فمن توفوا اهلها ورثهم صار الي وابويه كذلك فعمي الله يذكره بالخير طمع بهالشي واخذني صار وصي عليه وره فتره تركني بميتم وراح وره فتره تعرفت على عمو ياسر رعاني بعدين لحدما كبرت ودرست واشتغلت وقبل اسبوع من ما ياسر يعرفني عليكم وصلني خبر عمي توفه جان طمعان بالفلوس حتى متزوج علمود ليصرف فلس وكل الي اخذه مني رجعلي سبحان الله يمكن هالشي جان مقسوم وحتى ما اصرف الفلوس واخلصهن استثمرت قسم منهن بمشروع مولات ونجح والحمد لله وهذا البيت هم من دخلته من جديد جان هادي مابي صوت وماله طعم بس هسه بوجودكم رجعتله الحياة داحس انو الله انطاني هالفلوس علمود اقدر اعوضكم عن الي مر ولو بشي بسيط (حط ايده على راسها) وهسه تطمئني مريم (معرفت ليش بس جانت كوه لازمه دموعها وهو يحجي اخر شي حضنته وبجت) حسن (عرف جوابها فحضرها وظل يمسح على ظهرها علمود تهدي) يزن (فتح الباب ويباوع عليهم من شاف مريم تبجي هو هم بجه وراح حضنهم) حسن (شاله): ليش تبجي حبيبي مريم (ابتعدت عنه وتحاول تهدي روحها) يزن (وهو يبجي): لان ماما تبجي مريم (مسحت دموعها): حبيبي مابيه شي شو تعال (اخذته وحضنته سكنته) يزن : اني جوعان حسن (شاله): يله نروح ناكل (باس راسها) غلسي وتعاي ماريد بعد دموع ماشي مريم (هزت راسها اي) حسن (طلع هو ويزن) مريم (غسلت وابتسمت بينت كلشي طبيعي وطلعتهم) حسن : وهاي اجت ماما يله خل ناكل اكلوا سويه تريكو بعدين كعدوا سويه يلعبون لحد ما صار وقت الحفله مال مدرسه ندى ومحمد بدلوا وراحوا ووره الحفله راحوا مطعم اكلوا ورجعوا للبيت متونسين مريم (صعدت وياهم فوك عدلت غراضهم ونزلت راحت للغرفة) اسيل (نزلت راحت وره مريم وسدت الباب) مريم (باوعتلها): ها اسيل اسيل (كعدت على الجرايه): تعالي كعدي كدامي مريم (كعدت كدامها): هاشطار اسيل (لزمت ايدها): مريم ترمه اني بعد مو صغيره فلانتعقدين انو تقشمرين عليه مثل قبل اصدك ابتسامتج الي كوه راسمتهما شنو مضوجج مريم : هاي شنو عيني صايره شيخه واني مادري لامو ضايجه اسيل : حسن اله علاقه؟؟ مريم : حسن شعليه اسيل : اكثر من مره نزلت الكا نايم بالاستقبال مو خطيه كل هالمدد ظهره متاذي ها ليش متحسين مريم : حسن من ينام يحضن اليهمه خو شفتي اليوم ذيج المره ندى وهسه يزن بعد انتي ومحمد مشرفونه اسيل : اي شفت كلش حلوين 🥰 مريم : لامو حلو مارتاح اسيل : ميين مو اني الجنت حاضنته ونايمه وانتي ساعه تحاجيني ماجاوب فاصله من الرئيسي مريم (خجلتها فصاحت عليها): ولج كافي يله امشي طلعي بره بعدني منطيتج مجال اكلتيني اسيل (طلعت ركض وهي تضحك لان مريم شمريت عليها المخدرات وكفت تاخذ نفس من الضحك) حسن : هاشبيج اسيل اسيل (فكرت شويه بما انو الدنيه بارده ومغيمه يعني راح تمطر مريم بالمطر تموت خوف): حسن تدري قد شي حسن : شنو اسيل : دير بالك على مريم لان ميين راح تمطر وهي كلش تخاف من المطر يعني متخيل شكك تخاف حسن : زين شسوي اسيل : اذا مطرت روح يمها 😞 حسن : اوك يله من تصعدين تاكدي من التدفئه والجهال متغطين زين قبل لاتنامين

اسيل : ماشي (صعدت) حسن (راح للغرفه بدل هدومه ورجع كعد يم التلفزيون وره نص ساعه بده المطر
حس حركه باوع شاف مريم): ها مريم مريم : دتمطر حسن : اي عادي طبيعي مريم : اوك اوك رايحه حسن :
اذا تردين تعالي نباوع الفلم سوه مريم : لا اريد انام حسن : ماشي براحتج (راحت ووره شويه زاد المطر وطفط
الكهرباء ومريم مالها صوت فاخذ ضوه وكام رايح للغرفه فصار صوت رعد قوي محس اله مريم طلعت من
الغرفه وطفرت عليه) مريم (بس صار صوت قوي صاحت من الخوف كامت تريد تطلع من الغرفه ركض
شافت حسن كدامها طفرت عليه حضنته بايديها مجلبه برقبته ورجليها داير مداير خصره): حسن رعد ودمطر
حسن (ابتسم عاف الضوه على صفحه وخط ايديه على ظهرها لتوكع): ماكو شي مريم اني هنا يمج مريم
(ظلت حاضنته): لاتعوفني حباب والله اخاف حسن (سند ظهرها علمود لاتوكع): اوك باقي (ظل واكف شويه
وهي متحركت نفس الطفره بعدها مجلبه صار هدوء شويه بس صوت المطر مستمر) حسن : بس مريم تره
ماكدر ابقه هوايه شايح هيج مريم (حست شويه على نفسها شافت روحها هيج مجلبه بي عافته ودفعت
روحها) حسن (الزمها): على كيفج جان وكعتي (رجع صوت الرعد) مريم (غمضت عيونها وحضنته بس هالمره
بدون متطفر عليه) حسن (مسح بايده على شعرها): مريم لاتخافين مريم : ليش ماكو كهرباء حسن : لان
دتمطر فيطفوها علمود الاسلاك تعالي خل نشوف الجهال مريم : اي خطيه هسه اكيد ميتين خوف حسن
(لزم ايدها وراحوا يصعدون): ديله خل نشوف منو الخايف (راحوا لاسيل وندي شافوهم نايمين ومحمد ويزن
هم بسابع نومه عافوهم ونزلوا) حسن : شفتي اصلاً محاسين بسابع نومه مريم : يعني شعليه حسن : يله
هسه تاخر الوقت بعد روجي نامي (راد يروح) مريم (بقت لازمه ايده): لالا عفيه حسن : شنو مريم (دمعت
عيونها): ماريد ابقه وحدي ابقه يمي لاتروح حسن (مسح دموعها): اوك اوك بدون بجي هسه وين رايح هاي
يمج (راحوا بالغرفه كل واحد نام بصفحه) مريم (بقت خايفه من الاصوات بس استحت تقترب من عنده بعد
ظلت مغمضه عيونها حيل وترجف) حسن (اندار عليها حس بيها جرهما يمه وحضنها) مريم (محبجت شي اصلاً
محست شي وراها) مريم (كعدت الصبح قبلهم الجو صار حلو فتحت الشبابيك ديتغير هوه البيت وراحت حاجت
الجهال علمود يكعدون نوب نزلت بدت تحضر الريوك وتحط على الميز جانت دتقطع خيار وطماطه) ندى (نزلت
قبلهم) مريم : ندى حبييتي روجي شوفي بابا كعد لو بعده كعدي ندى : ماشي (راحتله) اسيل (وره شويه
نزلت تفرك بعيونها وتباوع لمريم) مريم (انتبهتلهما): شكو اكو شي بوجهي اسيل : شنو هالطاقه من الصبح
شلون كدرتي تنامين البارحه مريم (من تذكرت صار وجهها احمر ووكفت عن التقطيع باوعت لاسيل جان
شافت حسن موجود) حسن (اجه شاييل ندى) ندى : ماما طلع بابا كاعد حسن : شبيها مريم اسيل : كلتلها
شعجب كدرتي تنامين البارحه صارت حمرة حسن : اها خوش وين يزن ومحمد نزليهم خل نترك اسيل : ماشي
ندى : اني هم اجي (راحوا فوك) حسن (ساعد مريم وكملوا السفره) حسن (راح لمريم باس خدودها
وقرصهن): ليش خدودج حمر مريم (تجمدت بمكانها من الخجل وخدودها طارن حمر اكثر من قبل) حسن :
تنفسي مريم مريم (جانت قاطعه نفسها جرت نفس من كلها) حسن (لزم ايديها): مريم اريد اكلج شي مريم
(باوعتله) حسن : مريم اني ا... محمد وندي (قاطعوهم وهمه يصيحون بفرح ويصفكون): بابا يحب ماما
مريم (باوعتلهم): ها؟؟ حسن (دارها عنهم حضنها وهمس باذنها): معلج بيهم خربوا اللحظه اعوضها بعدين
ماشي مريم (مفهمت قصده) حسن (عافها وراحلهم): وليش ماحبها يعني (شال يزن وكعده على كرسيه)
يله تعالو خل ناكل (كعدوا كلهم واكلوا مر الوقت وتغدوا وصارت عصر مريم انسحبت شويه للغرفه حسن
شويه شويه انسحب منهم وراح وراها) مريم (من دخل للغرفه باوعتله) حسن : نكدر نحجي شويه مريم : اي
طبعاً حسن : راح احجي واريدج تفكرين زين بالي اكوله انتي حره ومن حق تعيشين مثل باقي البنات تطبين
وتطلعين وتفترين وتعرفين اصدقاء بس انتي من الرخص وره البيت والجهال مدتكربين تسوين باقي
الاشياء براحتج مريم (قاطعته): بس ا... حسن (قاطعها ولزم ايدها): مريم اسمعيني للنهايه تره داحس

بيج واشوف التعب ميين عليح خصوصا بالدوام مابين دراستج والي تسوي كل يوم دتتعبين حيل ٣ اطفال
تره مو سهلين اذا اعتبرنه اسيل تعتمد على نفسها اني ماريد اذيج ولانكون ثقل عليح وفكرت كلش زين
قبل هالكلام اذا تردين ترحين فاني ما اكر امنعج وانتي هاي حريتج لاتعتبرين من كلامي انو داتخلي عنج
لبالعكس اني رايد مصلحتج والي يفيدج والي انتي تردين تختاري فما اجرچ (فتح ايدها وحط عليه صغيره
بيدها وسد اصابعها عليها) راج انتظر اليوم لنهاية الليل يبقى الخيار يمچ بعد (وصل للباب وباعوها) راج
اودي الجھال لبیت زيد امه تريد تتعرف عليهم مريم (جاوبت وعيونها على العلبه): اوك حسن (شافها شلون
تباوع محتاره عافها تفكر وراج) مريم (فتحت العلبه شافت الخاتم فكرت شويه نوب لبسته باصبعها وباعوت
لايدها شلون تعبانه من الشغل والتنظيف نست روحها هالفتره ابد مهتمت بنفسها)

مريم (خامت فتحت الكنتور لكت كدامها الفستان)

مريم : الله شكذ حلو هذا بكدي (لكت ويا ورقه" اذا وافقتي اتمنى تلبسين الفستان وتجلي بره" فكرت
شويه واتخذت قرارها) (بعد ساعه) مريم (طلعت لابسه الفستان وعافت شعرها مفتوح لان معرفت تسويله
شي وشويه مكياج صارت كلش حلوه وصلت للباب الي يطلع على الحديقہ شافت حسن لابس بدله رسميه
وواكف منتجي على السياره اخذت نفس وفتحت الباب) حسن (من سمع صوت الباب باوع شاف مريم لابسه
الفستان فرح): مريم !! مريم (ارتبكت): ها موطو عليه عرفت والله خلص راج اروح انزعه (رادت تدخل) حسن
(وكفها لزمها من ايدها وفرها عليه): انتظري مريم بعدني محجيت شي مريم (تجمعت الدموع بعينها):
عوفني خل اروح محلو عليه حسن (لزم وجهها بايديه): حبيتي منو كلج محلو مجنت ادري الفستان حيصير
هيچ حلو لان انتي لابسته مريم (نزلت دموعها): يعني بس الفستان حلو حسن (ابتسم ومسح دموعها):
لاطبعاً انتي الي محليته بس ماريد دموع اليوم اريد اشوف ابتسامتج الحلوه مريم (ابتسمت) حسن (ابتسم):
اي عفيه (لزم ايدها واخذها ويا فتحها الباب الي يم السايق) يله خل نروح اريد اشوفج قد شي مريم
(استحت من فتحها الباب وخجلت رغم هو كل مره هيچ يسويلها): اوك (صعدت وسد لها الباب وراج صعد
وحرك بالسياره لحدما وصل لمطعم راقى) مريم : حسن شنسوي هنا حسن (ابتسم نوب نزل وفتحها الباب):
تعالى ويابه وتعرفين مريم (نزلت وسد لها الباب واخذ ايدها بايديه ودخلوا للمطعم جان كله ورد وشموع
والجو قد شي والنادل وداهم لطاولتهم) حسن (سحبها الكرسي حتى تكعد وراج كعد كدامها): هاعجب
مريم : اكيد عجبني حسن : تستاهلين هوايه اشياء احلى بس هذا الفكرت بي مريم : آيش هم اكو احلى من
هيچ حسن : اكو وعلمود عيونج كلشي اسوي بس حتى اشوف بسمتج الحلوه مريم (خجلت ودنكت راسها)
النادل (اجه قدملهم القائمه مال الطعام وراج) حسن : شوفي شنو تاكلين لان اكو ورانه بعد مفاجأه مريم :
اوك (باوعت للقائمه شبعنت بس شافت الاسعار كلها غاليه انصدمت حتى السلطه الطبق غاليه وعافت
القائمه)

© Wattpad - 2025

YOU ARE READING

مجرد حرب وخلافات سخيغه انقتلوا هوايه اشخاص مالهم ذنب وتيتموا الاطفال الكل يعاني لازم نكون ايد
وحده حتى نوکف بوجه الصعوبات هالقصة من واقع عاشوا بي هوايه اشخاص حبيت اختمها بنهايه

سعيدہ

© Wattpad - 2025

مجرد حرب وخلافات سخيغه انقتلوا هوايه اشخاص مالهم ذنب وتيتيموا الاطفال الكل يعاني لازم نكون ايد وحده حتى نوكف بوجه الصعوبات هالقصه من واقع عاشوا بي هوايه اشخاص حبيت اختمها بنهايه سعيدة

حسن : ها شنو اختاري تي مريم : لاماريد حسن : شنو معجبج الاكل عادي كولي اي شي يسوون مريم : اختار انت حسن : زين باعي اختاري اي شي مريم (رجعت لزمت القائمه وتباوع جهة الاسعار وهي خجلانه) حسن (شافها وعرف بسبب الاسعار مدتاخذ شي): خلص اني اعرف شتحيين اني اطلبج بدون نقاش (اشر للنادل وطلب منه وراح) حسن : مريم مريم (جانت لازمه ايديها جوه الطاولة حيل ومدنكه راسها من حاجاها باوعتله): نعم حسن : آيش مرتبكه شبيج مضايقه من شي مريم : لابالعكس حسن : لعد شكو مريم (حست بالذنب لان هو حاجزلها بمطعم وجايلها خاتم وفستان وهي دتنكد عليه فابتسمت وحاولت متبين): ماكو شي اي مكلتلي شنو المفاجأه حسن : متبقى مفاجأه اذا حجيت (ظلوا يسولفون نوب اجه الاكل من كملوا طلوعوا وجانت الساعه ٨:٠٠م راحوا لغير مكان) حسن (فتحلها باب السياره): يله تعالي مريم (نزلت وباوعتله): شكو هنا حسن (سد الباب واخذ ايدها ومشه): هسه تعرفين مريم (ظلت تمشي ويا متنبهت للطريق جانت تباوع على ايديهم وره فتره وكف حست عليه): ها حسن (عاف ايدها): انتظريتي مريم (باوعت داير مدايرها ظلمه وماكو احد): انتظر حسن وين رايح حسن (ابتعد عنها): انتظريتي لاتتحركين مريم (ظلت تباوعله لحد ماخفته من كدامها ظلت تلتفت يمين ويسرى تريد تعرف مين اجو بس هي مثل الثوله مجانت متنبهه ظلت تقريباً ربع ساعه وهي خايغه وحدها حست انو راح وتركها عافها هنا علمود متعرف ترجع تجمعت الدموع بعينها وظلت تبجي وره شويه شافت ضوه حاولت تهدئ روحها وراحت باتجاهه شافت شموع بالكاع وكفت بنصهن جانت خايغه من الظلمه شافت حسن اجاها راحته بسرعه وحضنته ونزلت دموعها من جديد): آيش رحت وعفتي حسن (حضنها وهو يبتسم): مرحت هاي اني مريم : وين رحت حسن : غير كلتلج اكو مفاجأه حبيتي المن تبجين مريم (تمسح بدموعها وينزلن): كلشي ماريد بعد خل نرجع حسن : شلون وكلهم ديتنظرون مريم (ابتعدت عنه وباوعتله): شنو منو حسن (صفق بايديه واشتغلت كل الاضويه مال الحديقه الجانو بيها وجانت محضره لحفله وعدد من الناس اكو وياهم اسيل وندي ومحمد ويزن وزيد وياهم وكلهم لابسين ملابس حفله) ندى ومحمد (راحوا لحسن ومحمد بيده باقة ورد وندي بيدها علبة حلوه انطوهن لحسن) مريم (تريد تفتهم شكوا): هاي شنو حسن (ابتسملها وبيده الورد والعلبة وكف كدامها): مريم عشنه سوه اكثر من سنه تحملتي مي الحلوه والمره وتعبتي بحياتج هوايه اعرف بس من التقيت بيج تغير كلشي بحياتي للاحسن من دخلتولها انتي واسيل وندي ومحمد ويزن لونتوها وخليتولها غير طعم المهم اريدج تعرفين بالرغم من الوصيه اني مجنت راح اطلعج من حياتي ولا من بيتي من البدايه ردت اعرض عليج الزواج بس الظروف المرينه بيها مجانت مناسبه بس اليوم هنا وكدام الكل صح احنه مزوجين بس اريد اعرف رده الحقيقي بعيداً عن الوصيه ولاي شي يجبرج (فتح العلبة وبيها حلقة وركع كدامها): مريم تقبلين تتزوجيني مريم (جانت الدموع متجمعه بعينها رادت تجاوبه بس وكفت كدامها مكاتتهم بالمجتمع نزلت دموعها ونزلت راسها من حست هو يستحق وحده احسن منها) حسن (عرف مريم شدتفكر فوكف ورفع راسها ومسح دموعها وهمسلسها): مريم لشوكت تبقيين هيح تفكرين هاحبيتي كم مره كلتلج انو المظاهر مو مهمه مراح نبقه للابد هيح تخيليني خسران كلشي ومعيشكم بغرفه ويادوب اجيبلكم لقمه ذاك الوقت راح تقبلين تبقيين واكفه ويايه مريم (مسحت دموعها): طبعاً اقبل حسن (باس راسها): لعد اذا انتي تقبلين بيه باسواء حالاتي مستعد انطيح عمري وحياتي مو بس اشاركج بيهن مريم : اسم الله حسن (ابتسم)

وانطاها الورد): يله انطيني ايدج (لبسها الحلقة وغمز لاسيل) يله روجي تحضري مريم : آيش اسيل (لزمتم ايد مريم): اختي حبيبي واخيراً راح اشوفج عروسه مريم : شنو عروسه حسن : اخذوها اسيل راح تظل تسال لباجر اسيل (جرت مريم واخذتها لغرفه مال تبديل): يله تعالي منلحك مريم : آيش شكو بعد (باوكت بالغرفه شافت بدله بيضه تخبل وحذاء واكسسوارات والمسكه مال الورد وكلشي جاهز حطت ايدها على حلقها): هاي شنو اسيل اسيل : يله لبسي بسرعه شويه وارجع لظليلن مصدومه هوايه بدلي بسرعه مريم (لبست البدله وحطت مكياج كلش بسيط وطلعت كلش حلوه جانت فرحانه وتباوع للبدله بالمرايه مجانت تتوقع انو حتلبس بدله بيضه فد يوم بس تحقق الي جانت تحلم بي)

Wattpad - 2025 ©

YOU ARE READING

مجرد حرب وخلافات سخيغه انقتلوا هوايه اشخاص مالهم ذنب وتيتموا الاطفال الكل يعاني لازم نكون ايد وحده حتى نوكت بوجه الصعوبات هالقصه من واقع عاشوا بي هوايه اشخاص حبيت اختمها بنهايه سعيدة

حسن (دك الباب) مريم (فرحانه تباوع لروحها بالمرايه): دخلي اسيل حسن (فتح الباب وظل يبواعلها شلون فرحانه مثل الاطفال وهو مبتسم وهي تتحرك بالفستان) مريم : حلوه مو (افترت شافت حسن خجلت منه) حسن (تقدم ولزم ايدوها): اميرتي الحلوه تخبلين احلى واطيب واراق بنيه شايفها بحياتي مريم (حاولت تغير الموضوع): طلعت تباوع على البنات ها ولك بطلت ماريد حسن : ههههه لج صارلي سنه متحمل اريد اخطي هاي الخطوه بس كل مره اكل انتظر بعد علمود هي هم تتعود بس بعد ما انتظر كافي مريم : شنو تنت... حسن (قاطعها بقبله) محمد : باباا مريم (دفعت حسن عنها وهي مستحيه) حسن : ها حبيبي محمد : مو عيب شلون هيچ تسوون مريم (صارت حمرة) حسن : لاحبيي بس ماما وبابا هيچ يسوون مريم (بصوت ناصي): حسن كافي فسدت الولد حسن : غير اعلمه مريم : شتعلمه 🤪 كافي اسيل (دخلت عليهم): ها شطايير من ورايه محمد : بابا وماما جان.. حسن (قاطعها): معليكم اسيل : هههههه ديله تعالو طلعا بعد حسن : كلشي جاهز اسيل : اي طبعاً (بدت الحفله اول شي دخلت ندى قبلهم ويدها سله ورد نشرته على طول الطريق للكوشه وحسن حط ايد مريم بايدو ودخلوا وراها وكلشي جان حلو ورقصوا وتونسوا وقطعوا الكيكه

ورقصوا سلو وكل الحفله حلوه وكلشي مر بخير) ~~~~~ بعد ثلاث سنوات مريم (مجانن تريد اطفال علمود لايحسسون محمد وندي ويزن بنقص وحتى لايفرقون بينهم وعلمود تكمل دراستها بس بعدين قنعها حسن وره سنتين من زواجهم وبعد ماكملت دراستها جابت تؤام ولد وبنيه هسه عمرهم سنه والحمد لله الاطفال مضاجوا منهم حبوهم وكلهم اخوان واحد يخاف على الثاني وهم مريم تعينت وصارت موظفه) حسن (طبعاً يعرف صعوبة رعاية الاطفال والدوام بوقت واحد ورغم مريم جانت مهتمه بكلشي بس جاب مربيه علمود مريم لانتعب وحدها وبالنسبه لشغله الحمد لله كلش زين وعرف شلون يدبر امره ويستثمر علمود يضمن مستقبل للاطفال وحافظ عليهم كلهم سواء مريم ولا اسيل او الاطفال مقصر ويه اي احد منهم) اسيل (صارت شابيه مراهقه حلوه رجعت البسمه لحياتها مثل قبل رغم الي صار بيها قبل بس هي عدها طموح وناويه تكمل دراستها) مريم وحسن (ربو الاطفال بكل حب وحنان مخلوا احد ينتقص منهم ولايعيبهم بأي شي كبروهم على المحبة والتعاون بيناتهم انطوهم كلشي همه جانو يتمنوا من جانو بكدهم يشوفون روحهم بهذوله الاطفال فلما مريم ولا حسن رادوا يمرون بالي مرو بحياتهم بس ممكن انو

هالشي صار بيهم حتى بالآخر يلتقون وواحد يسند الثاني ويسندون هالاطفال الي مالهم ذنب بالي صار لان مجرد حرب وخلافات سخيغه ضيغت هوايه من اطفاله هوايه اطفال صار بيهم الي صار بمريم واسيل والي مثل محمد وندي ويزن والي نوخذ حقه مثل حسن واكثر من هيح هم بس محد يدري بيهم قله قليله من الناس يساعدهم وكلش قليلين الي مثل ياسر رغم هو بالجيش بس اتكفل باكثر من طفل على طول حياته من بدايته بشغله من تكفل بحسن لحد قبل استشهاده اخرهم يزن ✪س الله مضيع حق احد كلمن ياخذ على كد نيته والله يكون بعون الجميع ويحفظ كل الاوطان ويرجعلها ألسلام والحب والامان ~,~,~,~,~ بالآخر احب ادعوا كلمن قرا هاي القصه وعنده القدره انو يتبرع للايتام للمساكين للفقره بأي شي وولو كان بالنسبه لك بسيط فهو عظيم عن الله فلوس اكل هدم اي شي ممكن يفيد ميصيرك شي اذا اخذت جمعت اشياء ووديتهم لناس فقره بالمنطقه تعرفهم متدري يجوز جانوا حينامون بدون اكل لو ما انت منطيمهم فد صحن من الاكل الي انتو مسوي ساعدوا غيركم حبوا بعضكم وسامحوا ترى كلنا بشر من طين ومصيرنا نموت محد يبقى ماعدا الله

النهايه تمت نهايه الكتابه في ٢٧/٥/٢٠١٨ مع تحياتي الكاتبه : hm

الي عجبته القصه يترك ولو تعليق بسيط وشكراً على القرائه 😊

Wattpad - 2025 ©

YOU ARE READING

مجرد حرب وخلافات سخيغه انقتلوا هوايه اشخاص مالهم ذنب وتيتموا الاطفال الكل يعاني لازم نكون ايد وحده حتى نوكت بوجه الصعوبات هالقصه من واقع عاشوا بي هوايه اشخاص حبيت اختمها بنهايه سعيده

Wattpad - 2025 ©